


73



12  
20  
8  
6





I

# CONFVSIO TRANSFVSIONIS

*Sine*

Confutatio operationis transfunden-  
tis sanguinem de indiuiduo  
ad indiuiduum

A V C T O R E

BARTHOLOMÆO SANTINELLO  
Romano Phil.& Med.Doct.

<sup>VM</sup> AD EMINEN. ET REVBREN. <sup>VM</sup>

P R I N C I P E M

I A C O B V M S. R. E.

C A R D I N A L E M

R O S P I G L I O S I V M .



ROMÆ , Apud Sucefs. Mascardi , 1668.



*Superiorum permissis .*  
Sumptibus Iosephi Baronij .

12.32.5.2h

12.32.5.2h

12.32.5.2h

12.32.5.2h

12.32.5.2h

12.32.5.2h

12.32.5.2h

12.32.5.2h



EMINENTISS. ET REVERENDISS.

PRINCIPI,

IACOBO S. R. E.

CARD. ROSPIGLIOSIO

*Bartholomæus Santinellus  
Fœlicitatem.*



ANCEPS diù dubitavit  
paruula hæc elucubra-  
tio sanguinis Transfu-  
sionem impugnans,  
quem sibi Patronum quæreret, dū  
publicam prodiret in lucem. Ma-

\* 3 gnus

gnus profectò requirebatur ; qui  
illam tutari posset ab aduersan-  
tium calumnijs , eò magis , quò  
prima omnium publicè in hanc  
opinionem pugnat , quæ præ sui  
nouitate , non popularem tantum  
sed doctorum etiam aliquot vi-  
rorum sibi conciliauit assensum .  
At deterrebat propria tenuitas , qua  
se longè imparem tali Protectori  
agnoscebat , ac minus dignam , vt  
mereretur illius tutelare Patroci-  
nium : Dum inter hæc versaretur  
dubia , cogitauit ad Te confugere  
Eminentissime Princeps , sed il-  
licò magis cæpit hæsitare , ac per-  
pendere , quam importunè ad  
Te accederet , quando maximis  
detentus negotijs , minima hæc  
admit-

III

admittere non posse videbaris .  
Sensit tamen se impelli , vt his ,  
neglectis , alacris Eminentia<sup>æ</sup> Tuæ  
se sisteret , ac similibus ferè vo-  
cibus sibi visa est ad id stimu-  
lari .

*Admittas timidam , breuemque  
chartam .*

*Intra limina sanctioris aula ;  
Nosti tempora tu Iouis se-  
reni .*

Martial.  
l. 5. epig.  
6.

*Cum fulget placidus suoque  
vultu .*

*Quo nil supplicibus solet ne-  
gare ,*

*Non est quod metuas preces ini-  
quas .*

Has procul dubio voces pro-  
tulit tua celebris humanitas , quæ

\* 4      nouis



nouis semper inuentis cupit omnibus vel minimis auxiliari, ac simul omnium corda vnanimi beneuolentiæ nexu deuincire. Huic ergo humanitati confisa Tibi sese vouet Transfusionis Confusio : excipe Princeps Eminentissime lactentis adhuc ingenij primitias ; clementer protege, vt Tuis sub auspicijs crescens, melius possit in posterum Tuæ humanitatis præconia celebrare. Non solum autem elucubratio hæc Eminentia Tuæ se subdit, sed ipse etiam illius Auctor Tibi se dicat, vt Tuâ suffultus tutelâ, non communi tantum, sed peculiari quoque Tibi viuatur mancipatus obsequio, quod sicut assequi  
non

non dubitat, ita Eminentia<sup>æ</sup> Tuæ  
longam *foeliciū* annorum *se-*  
*riem* *pretatur*, ut *semper* possis  
benigniora munera supplicibus  
elargiri.

*Lector*

## Lettori.

**C**Elebris, & reuiuiscens nostris diebus Transfusio sanguinis de uno in aliud indiuiduum nonnullos habuit fautores, plurimos verò contrarios, pauci tamen ex istis calamum in illam armarunt, & præsertim in Romanam Accademia, cuius celebriores viri magnà ex parte ab illà alieni visi sunt, sed omnes ij verbis tantum, non scriptis in illam pugnarunt, vel maioribus negotijs impliciti vel putantes banc nouitatem absque valido argumentorum impulsu ex se ipsà citò esse casuram,

ac

ac prorsus euanituram. Dum igitur  
magna hæc silerent ingenia, non  
dubitavit meum tenue ingeniolum  
primatæ exercitationis gratiâ, no-  
uitatem hanc speculari, cumque  
illi valde dubia videretur, capit  
dubitationis motiua notare, ac ea  
doctis viris communicare, ut illo-  
rum dirigente consilio, vel inceptam  
ratiocinandi semitam percurreret,  
vel ab eadem recedere inposterum  
posset, si fortè minus recta illis visa  
fuiſſet. Probarunt illi, forſan ut  
illius non deterrent conatus, quibus  
licterariam ingredi paleſtram cupie-  
bat; imò potius illi blandirentur,  
ut ſic deinceps ad meliora proferenda  
diſponeretur. Illorum ergo conſilio  
hæc illius elucubrationes nunc po-  
deunt

deunt in lucem: eas tibi offero amice  
Lector, ut humaniter excipias, &  
benigno animo legas. Serò quidem  
illæ tibi offeruntur, cum lento gradu  
fuerint compositæ, ac postquam  
fuerunt exarata, pluries inspectæ  
etiam fuerint, antequam euulgaren-  
tur, primogenitæ namque sunt, ac  
in his poliendis solet ut plurimum  
magnum studium adhiberi, ut ve-  
nustiori, & ornatiori vultu con-  
spiciantur, aut saltem, nisi detur  
hoc assequi, ut minus habeant im-  
perfectiōnis, & ruditatis: hoc enim  
vel ipsos abortus reddit perfectiores,  
cum, quò longiori tempore intra vte-  
rum ij commorantur, minus etiam  
imperfectiōnis secum ferant, & tur-  
pitudinis: Pari itaque euentu, si  
hoc

hoc opusculum à liuidis censoribus  
 iudicabitur imperfectum, & aborti-  
 tiuum, non adeo tamen informe,  
 & mancum censi poterit ac si  
 præcipiti lapsu proijdisset in lucem.  
 Maluit igitur tardum esse, quam  
 præceps, eo magis quia nulli pecu-  
 liariter, & directè aduersari inten-  
 dit, sed solum generaliter ipsam  
 Transfusionem oppugnare; qua pro-  
 pter, nec tenetur (sicuti teneri nul-  
 lo modo vult) Zoilorum priua-  
 tos insultus retundere, si qui for-  
 san assurgent, nulla etenim ipsi  
 cum eis lis est, nec cupit hostiliter  
 altercari cum Transfusoribus, dum  
 ingenuè suam protulit sententiam  
 circa Transfusionis nouitatem, con-  
 tra quam procul dubio illicitum

*non est ratiocinari . Legant ipsi li-  
bellum hunc & probent si velint ; ab  
alijs certe benigniorem sortem ille  
expectabit : hoc sanè vel ipsi , qui libro  
inensi sunt fateri debebunt , quod  
cum breuiter omnia percurrat argu-  
menta .*

Martial.  
lib. 2.  
epig. 1.

Sit licet vsque malus, non odio-  
sus erit .

Imprimis

VI

***Imprimatur.***

**Si videbitur Reuerendis: P. Mag.  
Sac. Pal. Apost.**

***I. Archiep. Vrbis. Vice/g.***

---

***Imprimatur.***

**Fr. Hiacynthus Libellus S. P. Ap.  
Mag.**

***Appro-***



*Approbatio .*

**R**EVERENDISSIMI P. Mag. Sacri Apostolici Palatij mandatis obediens , perlegi librum cuius titulus est : CONFUSIO TRANSFUSIONIS , nihilque in eo nec quod catholicae fidei repugnet , nec quod bonis moribus aduersetur inueni , sed potius illum summopere lectoribus prodesse posse affirmo .

*Hyacinthas ab Altomare Medicus, & in Romano Archigymnasio Publicus Practicae Medicinae Professor .*

CON-



# CONFUSIO TRANSFUSIONIS



## PROLOQVIVM.



PROPRIAE vitæ ærumnosam  
& imbecillem constantiam  
luget profectò genus mor-  
talium :

*Optima quæque dies miseris mortalibus  
aui*

*Prima fugit, subeunt morbi, tristisque  
senectus,*

*Et labor, & duræ rapit inclementia mortis.*

A

Sed

Virg. 3.  
georgic

Sed meritò lacrymatur inſœlix, ſuorum quippe infortuniorum ipſum ſibi eſt potiſſima cauſa, & inſidiantes ſuæ incolumitati hoſtes vltro excipit, qui nimò ſæpius querit, ſtimulatque ad inſultus. Prætereo rixas, odia, & mille alia efferati animi barbarica machinamenta, quibus homo, beſtijs ipſis proteruior, homini inſidias parat, & necem: Omitto ciborum inordinatam ingluuiem, & ferulorum execrandam multitudinem, quibus corpora ſaginantur, vt maiori onerata pondere præcipitent facilius in ruinam, & natiuo calori non aliæ vires ſuppeditantur, quam ad ingentes morborum flammæ pernicioſè accendendas, vt vel ipſius Senecæ teſtantur Oracula: *Multos morbos multa fecerunt ferula: innumerabiles eſſe morbos miraris, coquos numera*: Sileo Veneris eſſe fræna tripudia, quibus turpiter mancipati iuuenes, nimis properum exitium ſibi parant inter illecebras. Sunt

Seneca  
Epiſt. 95.

hæc

hæc perditorum, hominum turpia facinora ; illud potius perpendere lubet , in quod melioris notæ viri non semel incurrunt , cum scilicet salutarium præsidiorum comprobatos euentus nauseati , & veris dogmatibus negantes assensum , vana, imò & perniciofa medicamina amplexantur facillimè, & nouis quibus libet opinionibus vix auditis adherent tenaciter, & sic salutis sibi accelerant detrimenta , solum noua morborum genera in amata nouitatis præmium reportantes, vt proinde iurè exclamauerit ille .

*Nos autem indignam vitam vitam viuimus homines ,*

*Inuentis legibus , opinionibus serui-*  
*mus .*

Phile-  
mon.

At istorum error fortè posset excusationem mereri , vehemens namq; desiderium , quo deperditam sanitatem affectant, & rei medicæ , vel nulla, vel superficialis tantum cognitio, facere possunt, vt quæque in dies ipsis

nunciantur, statim experiri non dubitent, semperque expectent simulcum nouitate miraculum. Potius in Medicos huiusce abusus maior causa est recijenda, quorum aliqui forsant plus sibi ipsis, quam ægrotis consulentes, nouas opiniones in medium afferre assiduè student, quas speculari, vtile est ac gloriosum ingenio, at in vsum vertere, arduum est, & periculosum ægrotis, imò & ipsis medicis. Etenim quæ fides medicinæ adijcietur, dum ipsius fundamenta præcipua nos ipsi conamur euertere? dum primos nostræ professionis duces ( & vel ipsi vulgo reuerendos ) tamquam cæcutientes, mancos, & erroneos promulgare studemus, & praxis tutos, rectosque calles fugimus, & damnamus? quis amabò, medicis, ipsique Hippocrati adhibebit fidem, qui per tot sæcula errabundi, nec ipsam sanguinis officinam noscere potuerunt, hepati medentes pro sanguinis vitijs corrigendis

gendis, dum à nouatoribus audiet, non hepar certè, sed cor hæmatosim celebrare? Quis factas huc vsque reuulsiones non irridebit, dum inuerso prorsus modo factas cognoscet, supposito nouo circulationis inuento? Quæ sanè opiniones ( sicut aliæ multæ ) vt minus audaces videantur, frustrà sub Hippocratis vexillo sese reducere conantur, tamquam illo præmonstrante profectæ; adeò enim directè eius aduersantur doctrinæ, vt lippus profectò sit qui non cognoscat, nec ob aliud vetustatis insignibus se condecorant, quam vt faciliùs possint plures ad assensum aucupari.

Nec satis datum est curiositati: noua in dies oriuntur inuenta, quæ nouas addunt ægris molestias magnam demunt Medicinæ præstantiam, interquæ recentissima prodiit sanguinis Transfusio de indiuiduo ad indiuiduû, cuius nouitatis ea fuit immerita sors, vt in Vrbe etiam doctos sibi statim

Horat.  
in arte  
poet.

fuerit adepti fautores, qui non profiteri solum, sed & experiri non sunt dedignati, at

. . . *quandoque bonus dormitat Homerus:*  
audivi feruor ingenij nimis properè eos  
impulit ad credendum. Quapropter  
ne recensita superiùs damna huius nouitatis occasione magis crescant, eius vires celebrium virorum patrocinio suffultas infringere conabitur hoc opusculum, demonstrando scilicet, sanguinis Transfusionem non obstantibus experientijs, adhuc esse incertam, inutilem, & repugnantem. Vtinam illius enascentis plausus iugulentur in cunis,  
& detecta eius fallacia, nouæ inposterum pullulare non audeant, adeo vt hæc Transfusio nouitatum sit verè nouissima.

\* \*  
\*

# SECTIO PRIMA

## TRANSFUSIO INCERTA

### CAPVT PRIMVM

*Transfusionis inuentio narratur, & exponitur  
modus, quo ipsa celebratur.*



QRTA sua testari principia, est apud Philosophos dogma vulgatum, non erit ergo valde difficile Transfusionis originem perscrutari, siquidem extrauagantem prorsus opinionem, non nisi alterius magis extraneæ sobolem esse nemo dubitabit. Natales illa ducit ab operatione quadam paucis ab hinc annis excogitata, infundendi scilicet per syringam intra ipsas ventris alimentum, & medicamenta, quæ sanè operatio dum tria Medicinæ instrumenta, dietæ, Chirurgiæ, & Pharmaciæ vnicâ actione explere imaginatur, omnes confundit nullam explet, facitque perfecti, & imperfecti, alibilis & excrementitij nimis violentam.



miscelam , ac dum plures coctiones vitare, & ægris medicamento assumendi nauseam auferre conatur, multiplicat cruditates, & affert maiora tormenta .

Huius igitur transfusio se iactat affinem, imò eam superasse gloriatur , dum non incocta alimenta , non aliena pharmaca sanguini immiscet , sed ipsum sanguinem puriorem venis infundit . Cunas in Anglia se habuisse testatur , indè statim perreptaui in Galliam , postea adhuc tenella sese transtulit impatiens in Italiam, ac tandem Romam appulit, vbi infantili ætate tutelam exposcens, nutrices statim habuit , & blanditias ; sed vereor, ne rantis defatigata itineribus, multū certè infanti violentis, citissimè contabescat .

At sciscitabitur quispiam adhuc forsàn Transfusionem non intuitus , qualis sit eius aspectus , qualis incessus , qualesue mores , seu quid sit , & quomodo celebretur ? sciat iste aspectum esse trucem , mores efferratos , incessum horribilem ; ipsa namque Transfusio nil est aliud , quam intromissio sanguinis . è sano corpore effluentis , intra venas alterius corporis malè affecti, ex quo pariter ad noui sanguinis ingressum prior euacuatur , vt corrupti sanguinis effusione , & optimi nouâ immissione, omnis morborum ,  
licet

licet contumacium, eradicetur causa, & corpus ipsum ad pristinam salutem reuertatur. Videat quanta secum ferat sanguinis effluvia, quanta virium dispendia, quantas membrorum scissuras, quanta tædia, dolores, & pericula, & si potest, crudelem non iudicet; sed audiat distinctam eius operationem, vt melius imaginatam crudelitatem cognoscat.

Detegitur, factâ cutis incisione, arteria carotis, vel (vt Galli experti sunt) cruralis illius animalis, quod sanguinem est transmissurum, eaque ex parte longinquiore à corde firmo stringitur nexu, ne sanguis à corde exiens vtrò possit effluere; ex parte verò cordi proximior altero ligatur vinculo, sed facile solubili, vt sanguinis à corde descensus impediatur, sed ad libitum possit effundi; inter duas autem ligaturas arteria ipsa scinditur, & immittitur in eam tubulus ex auricaco, vel alia quauis materia, qui in eâ parte, qua arteriam ingreditur habeat flexuram juxta sanguinis motum locatam.

Recepturi autem animantis jugularis vena pari modo nudatur, binis cingitur ligaturis, sed vtrisque facilem solutu nodum habentibus, binis quoque foraminibus ipsa  
vena

vena aperitur, ac in ijs bini tubulijam descripto confimiles inducuntur, quorum superior flexuram habeat caput respicientem, inseruitque ad antiquum sanguinem foras educendum, inferior autem tubulus flexuram habeat versus partes inferiores locatam, inseruire enim debet ad introducendum alterius indiuidui sanguinem in totum corpus: adduntur insuper; tum venæ, tum arteriæ aliæ firmiores ligaturæ, quæ tubulos in singulis foraminibus bene coarctent, ne meueantur, aut excidant. His peractis, tubulus arteriæ emissurus cum tubulo venæ recepturo coniungitur, laxatur inferius arteriæ vinculum, scilicet, cordi propinquius, soluuntur vtraque in venâ, sanguis permeare incipit, fouentur interim calida spongia tubuli, ne sanguis in illis concreseat, & sic totum peragitur opus Transfusionis:

Nouisti Lector vincula, scissuras, martyria;  
 si amas, experire; si odisti,  
 non te pigeat ea insectari vltèriùs exami-  
 nando.

C A P V T I I.

*Transfusio in hominibus damnatur, & modus quo ipsa fit, expenditur.*

**B** Rutalia corpora liberè possunt ad opus Transfusionis, prout libet dilaniari (quamvis non sine totali ingenui animi repugnantia) sed hominis perfectissimum corpus, structura mirabilis, non debet, nec potest cruciari tam sæuiter absque magna crudelis animi notâ. Si Transfusoria operatio solum sæuere in bruta, vtique acquiescerent omnes: *At homo, res sacra, homo jam per lusum, & iocum, occiditur* (vtor Senecæ vocibus) *& quem erudiri ad inferenda, accipiendaque vulnera nefas erat, is jam nudus inermisque producitur, satisq; spectaculi in homine mors est; & si non mors, morti tamen affine periculum.* Vidit multorum virorum congressus Transfusionem teatrali pompâ celebratam in homine, ac pænitus exhorruisset, nisi operantium accuratior industria ipsius operationis feritatem mitigasset.

Seneca  
epist. 95.

Etenim quis juguli scissuram, quis ipsius venæ vnco elationem, tot ligaturas, binæque

que vulnera ferre potuisset? ideoque ipsi mitiori modo illam exequi studuerunt. Iuguli venam commutarunt in venam brachij, quæ ampla est, & patientior, hinc ut cutis scissuram lenius facerent, digitis utrinque apprehensam, transversaliter illam elevarunt, & notato prius venæ decurrentis situ, secuerunt: venam ipsam unico tantum foramine aperuerunt, tubulum immiserunt, vnamque ligaturam ad tubuli firmiorem statum adijcierunt, permittentes interim, ut ex eodem foramine sanguis humanus egrederetur, ut supra ipsum tubulum decurrens, eum foueret, ne sanguis intus permeans posset grumescere.

At nihilominus non est totaliter deleta quædam veluti barbaries, nec exquisitam perfectionem acquisiuit operatio, licet enim rectè fuerit brachij vena secta, (cum jugulum aperire in homine nemo certè ausus fuisset) cutis tamen eleuatio parum prodest ad doloris sensum leniendum, quia per talem eleuationem non aufertur ipsi cuti sensus, imò forsan augetur, namque trahitur in situm sibi violentum cutis, tenduntur eius vicinæ partes, comprimitur aliquantulum digitis, vnde fieri non potest, quin aliquid caloris & spirituum in eam denuò ad-

aduocentur, qui ſenſum non obtundere poſſunt, ſed potius acuere: præterquam quod cutis ſic eleuata, ſupra muſculos non recumbit, nec bene, ſubſtrata adipofa membranam habet, cui velut molli puluinarî innixa, reſuſam valdè vulneris acutiem ſentiret, quoniam ſic partes laxatæ, ac molles minus ictui reſiſterent, & faciliorem redderent continui ſolutionem, ac proinde minorem dolorem.

At eſto, minuatur dolor, non minuitur tamen cutis ſciſſura, quandoquidem ea ſit ſatis ampla, vt detecta vena commodè poſſit ligari: hoc quamuis non videatur magnum aliquod damnum illicò inferre, tamen bene conſideranti, erit valdè ſuſpectum; ſcinditur cutis in ipſâ flexurâ brachij, vbi videmus paſſim ipſas phlebotomiæ puncturas ex leui quacumque occaſione inflammari, & ſuppurari, ergò multò magis poterit hoc in tali ſciſſura euenire, vbi maior dolor ex maiori vulnere fit, futura quæ quandoque adhibentur augent incommodum ipſius venæ grandior ſectio, ligatura, & ex tubuli immiſſione, ac manuū tractatione concuſſio, partem debilitant, & calorem cum ſpiritibus aduocant, ac tandem exeuntis, & ingredientis ſanguinis tumultus, qui ſuppō-

nitur

nitur in corpore fieri, materiam ibi facile ſuppeditat ad ſuppurationem pariendam, præſertim ſi pluries repetenda ſit Transfuſio, vt aliquibus placet. Si reſpiciatur præterea ad corpus jam antiquatâ ægitudine laxatum, (ijs enim commoda cenſetur Transfuſio) ſi perturbatio humorum ex tali agitatione neceſſariò ſequutura conſideretur, certè vel levis additus dolor, multum debet exiſtimari.

Vena vnico quidem aperitur foramine, in quo ſi damnum cum vtilitate penſetur, nescio quiſnam ex his poſſit præponderare; etenim vtilitas ſiſtit ſolum in hoc, quod vitatur vna venæ punctio; at ſi vna ſolum fiat, neceſſariò debet fieri ſatis ampla, vt ingredi poſſit rubulus, & relinquatur locus ſanguini per idem foramen exeunti; ita vt huius vnica amplitudo nil minus habeat, quam binæ ab alijs factæ aperitiones multo magis exiguæ. Damnum verò indè emerget; plus namque doloris aſſeret vna grandior incifio, quam binæ anguſtiores puncturæ, (venæ magnæ cubiti ſenſus non denegatur, cum communi veſtiatur tunicâ, vt ait Laurentius) ſiquidem earum ſingulæ leuiſſimè affigunt cum paruam faciunt continui ſolutionem, & temporis interuallo, quo vna

ab

Laurēt.  
hiſt. A-  
nat. l. 4.  
q. 3.

ab alia distat (secunda enim ad educationem sanguinis non fit, nisi prius appositus sit, & ligatus in prima tubulus, & instet jam noui sanguinis introductio) tali, inquam, temporis spatio Natura ita quiescat, vt prioris oblita, nouam ferat alacriter; at vnica, grandior, tota simul irruit, venam magis sensibilibiter lacerat; ergò magis etiam dolorificè: adde quod faciliùs etiam coalescunt exiguæ scissuræ, quam grandior, sicque superius enarrata incommoda de cutis scissurâ pariter in venâ vitantur; imò & sanguinis effluuium impeditur, quod facillimè posset deinde contingere, tum ob latius orificium, tum ob sanguinis arteriosi, & calidioris copiam, qua venæ turgidæ ob illius Transfusionem supponuntur.

Nec obstat id quod adiungitur, nempe illo sanguine, qui à tali amplo venæ foramine egreditur, posse tubulum allui, & decurrentem intus sanguinem benè foueri, quia exiens sanguis, impingit quidem in tubulum, sed non per totum eius decursum vndique progreditur, quinimò potius per ipsum brachium excurrit, præsertim cum violenter egredi non possit ob ampliorem venæ aperitionem, sicuti videmus in ipsâ aquâ, quæ quò per angustiores canales permeat,



meat, eò violentiùs, & distantiùs egreditur .  
 Insuper licet per tubulum semper excurrat ,  
 tamen non potest multum caloris interno  
 sanguini communicare, cum ab aere quam-  
 uis calido , alteretur , ac spiritus , quos ha-  
 bet , ad egressum ex venâ euolent citissimè  
 in auras , vt infra melius dicetur : multum  
 etiam caloris requiritur ad fouendum tu-  
 bulum , & maximè argenteum , (quem au-  
 dio adhibitum fuisse ) vnde copiosius id pos-  
 sunt præstare spongiæ calidâ affusæ , & sæ-  
 pius repetitæ, quam paucus sanguis leuiter  
 tantum lambens canaliculi superficiem .

Hæc dicta volo ad solius operationis cen-  
 suram , non ad criminandos operadores ,  
 quos, tum exteros, tum nostrates laudare ,  
 non desino, qui vt suæ specimen solertiæ  
 præberent, nil intentatum relinquere volue-  
 runt , in quo non eluceret propriarum ma-  
 nuum dexteritas, at impossibile , & inutile  
 est Ætiopem lauare , scilicet , Transfusio-  
 nem absque dolore , & incomodo cele-  
 brare .

Meditatur D. Hyppolitus Magnanus A-  
 natomiæ Professor accuratissimus , & ami-  
 cus meus singularis ( qui vix auditam in  
 Vrbe Transfusionem pluries in brutis exer-  
 cuit , vt nonnullorum satisfaceret prudenti  
 curio-

curioſitati) Transuſionem facere in homine ſuauiori modo , ac ferè cum phlebotomia conueniente , non quidem vt illius aſſectam ſe declaret , ſed ſolum vt propriam diligentiam in Anatomico opere oſtendat . Is nudato brachio , binas cogitat facere in eo ligaturas , vnã infra , alteram ſupra cubiti flexuram , & inferiorem præſertim fortiorẽ facere , additã etiam laminã plumbeã ad intercipiendum ſanguinis aſcenſum , hinc venam aperire eodem foramine , quod fit in phlebotomia , ac ſtatim immiſſo tubulo laxare ſuperius vinculum , & ſanguis perbellè ingreditur , abſque vllã cutis laceratione , & venæ incommodã pertractatione , & ligaturã : ad egreſſum autem prioris ſanguinis , venam in pede ſecare , vbi nullo cum patientis incommodo ſanguis euacuatur . Placuit ſanè inuentio , quam , licet contra meum argumentum aliquatenus pugnare videatur , reticere non potui , cum non conſiſtat in hoc Transuſionis confundendæ fundamentum : præualuit amici laus . At ſolum circa talem operationem dubitare poſſet aliquis de inferiore ligaturã brachij , quæ niſi arctiſſima fiat , non poterit ſanguinis aſcenſum rectè impedire , præſertim cum à noui ſanguinis ingreſſu ſupportatur

B                      eiuf.

eiusdem intra venas motum concitatiorem fieri; at si fortis valdè fiat, excitabitur dolor ingens, simul cum alijs incomodis, ob tot musculorum rigidam compressionem. Insuper sectionis labra concidunt facillimè, præcipuè si pinguioris habitus sit homo; idque sæpius euenit licet sanguine repleta sit vena, à quo exitum affectante ista vulneris obturatio facilius potest impediri, ergò in hoc casu magis venæ orificium impediatur, cum per venam sectam sanguis non currat ob infernam brachij ligaturam; ex tali autem vulneris obturatione difficilior euadit tubuli immissio, nec sine lacerationis periculo, & doloris sensu non exiguò.

Placet hic etiam adnectere dissentionem quandam inter Gallos & Italos Transfusores natam circa delectum arteriarum secandarum: namque illi mortem animalis transfundentis vitare volentes, relictis Carotidibus, secuerunt arterias crurales. isti autem, ob earum exilitatem, impossibilem in ijs operationem experti sunt; quam sanè disparitatem nihil solidi in se continere omnibus patet, cum enim homo non sit, sed brutum animal, quod sanguinem est effusurum, parum refert, vtra in eo secetur arteria,

teria, & an ex eâ sectione moriatur; at si homo deberet sanguinem alteri homini communicare, tunc certè magni momenti esset inferioris arteriæ sectio, cum procul dubio ex carotidis incisione magna imminerent pericula, (quidquid in contrarium nonnulli sentiant) tum ob cerebri, cordisque viciniam, tum ob Oesophagum, & asperam arteriam ibi propinquè stantes, quæ partes ex tali scissurâ faciliè possent alicui læsioni succumbere. Cæterum nemo dubitat meliorem sanguinem ex carotide exire, quam ex cruralibus, quia recentior, & spiritibus magis saturatus surgit à corde, ac proindè magis aptum esse ad Transfusionem. Quod autem omnibus sectio cruralium in brutis non fœliciter euenerit, nec miror; etenim longè facilius est carotidum, quam cruralium incisio, ob illarum maiorem turgentiam, & ampliorem ductum; cruralium tamen non est impossibilis sectio, juxta Parisiensium testimonia, namque Viri doctissimi noluisse certè in re tam leui mentiri; at si ipsi id assequuti sunt, procul dubio grandiores canes secuisse crediderim, ac insuper, vel diligentiores fuisse, vel fœliciores.

## CAPVT III.

*Dubitatur de loco, in quem sanguis transfunditur.*

**A**Vdisti jam Lector, quam incertus sit modus, quo Transfusio peragitur, & quam inconcinnus, & laboriosus ordo, qui adhibetur. Iuvat nunc examinare paulisper locum, in quem sanguis effunditur. At statim toruâ ceruice rigidus Transfusor assurgit, increpat, ac damnat huiusmodi examen, cum ingressus sanguinis intra venas irrefragabili pateat experientiâ; animal enim, quod sanguinem communicat, exangue ab operatione relinquitur, quod recipit autem, pulsationes in corde vehementiores habet, & tumorem in venâ recipientem: At quiescat aliquantulum precor, sciatque me non dubitare de ingressu sanguinis in corpus, sed de eius rectâ distributione per venas, & quæso mecum tali pacto ratiocinetur.

At primò supponat non eâdem mensurâ ingredi sanguinem arterialem, ac egreditur venalis, quandoquidem iste præ sui crassitie lentius exit, & arterialis ab impellente

vi citius intra venas intruditur, & consequenter in maiori quantitate. Hoc autem supposito, dubitari potest de perfecta noui sanguinis distribuione, siquidem emittitur spatio vnus pulsationis dracma vna sanguinis venalis e. g. & in eodem temporis spatio duæ dracmæ sanguinis arterialis intromittuntur: generatur præterea eodem tempore nouus sanguis intra corpus ab alimentis assumptis, nunquam enim feriantur coctrix, & sanguificatrix facultas; ergo cum plus immittatur quam exeat regurgitabit profectò maximè cum peruenit ad remotiores; & exiliores venarum ramificationes, vbi ob viarum angustias, & superuenientis sanguinis copiam, regressus certè eiusdem fiet ad interiora.

Et licet hæc sanguinum turgentia in illis venis non adesset, & sanguis eadem mensurâ, qua ingreditur, egrederetur; dubitandum nihilominus esset de recta sanguinis diffusionem ad eas venas; cum enim tam citò tantus sanguis intra corpus distribuat, ac multò maiori celeritate, quam naturali cius motui conueniat, & obstant præterea venarum confusæ, ac tenuissimæ ramificationes credibile est hoc fieri perfecte non posse, sed vel asserendum talem

B 3

san-



sanguinem in alias partes , quam in venas transire , vel admittenda est in illis venis magna attractricis facultatis operatio , quæ sanguinem , quovis non obstante impedimento , violenter ad illas alliciat ; hæc verò attractricis vehemens operatio ; non ita liberè potest admitti , cum illa mediante calore , & spiritibus fiat ; ibi autem illorum non reperiatur ea copia , quæ ad tale opus præstandum requireretur , cum caloris forte ijs partibus non sit adeò propinquus ; nec corpori à rebeli ægritudine jam diù afflictato tanta possit inesse spirituum copia , valens attractricis violentæ effectum præstare ; quo pacto igitur sanguis illuc permeabit tam citò , non liberè potens ingredi , nec à venis attractus ?

Nec obijciat aliquis Vacuum metum ; ob quem fiat talis attractio , licet ratione spirituum fieri non posset : Siquidem respondi potest verisimile esse alio modo præcaueri vacuum ab ipsâ naturâ , concidentibus , scilicet in se venis ipsis , quæ cum simplici , ac subtili tunica sint conflata , facile concidunt , & coarctantur si sanguine sint euaçuata , & sic vacuum perbellè vitatur , nec proinde opus habet natura transmittendi spiritus à nobilioribus partibus ad ultimas

venas, vt meditantibus illis fieri possit sanguinis vehemens attractio.

Nec rursus opponi potest aduenientis sanguinis melior conditio, cuius indiga natura, vt morbi detrimenta refarciat, auidè illum exugit, & maiori, qua potest celeritate per vniuersi corporis penetralia nititur distribuere; falsò namque supponitur hæc aduenientis sanguinis melior conditio, cum alterius speciei sanguis, quantumvis optimus, naturæ humanæ congenus esse non possit (vt inferius diffusè probandum erit) & per consequens ab eâ tantâ cum auiditate non expetatur: Ac licet expeteretur, adeò tamen dilatare venas illas non posset, vt sanguinis suctionem tam breui temporis spatio absoluerent; nisi dicatur ipsam sibi inuenire ignotas vias, quibus humores ducat ad vniuersum corpus, sed hoc molitur natura vbi propriæ viæ nullæ sunt, & vrget maxima refectionis necessitas; sed in hoc casu venæ sunt vndeque ad hoc optimè diffusæ, nec adest præfata necessitas. At quæ sint istæ viæ, quas sibi parat natura pro infusò sanguine deferendo paulò inferitis nos ipsi vltro manifestabimus.

Aduenientis sanguinis tam citæ diffusioni non parum obstant valuulæ, seu ostiola ve-



Hier. Fab-  
ric. A-  
quapen-  
de Ven.  
ostiole.

Aquap.  
ibid.

Aquap.  
ibid.

narum ab Aquapendente reperta; quidquid enim sit de illorum usu, certum est posse aliqualiter motum sanguinis per venas ascendentes retardare; (loquor juxta circulationis dogmata, alioquin frustra cum Transfusoribus disceptarem) vel enim habent orificium versus Hepar; aut è contra, semper impinget in illa sanguis, & ex intercepto cursu regurgitabit ad arterias. Hæc verò ostiola non tam in rectis, & patentibus venarum ductibus reperiuntur, quàm ubi rami minores sparguntur, ac oblique propagantur; ergo cum sanguis dum ab obliquis ramis in latiore truncum vult diffundi; statim impedimentum inueniat, maiorem procul dubio habebit regressum: nec consentendum has valuulas, utpotè tenuissimas facile dirumpi posse ab ingrediente sanguine, namque ipsemet Aquapendens testatur, quod summa cum tenuitate summa etiam densitas adiuncta est, quod factum est ad ostiolorum securitatem, ac patiendi difficultatem, ne videlicet in cursu sanguinis valido, ac precipitato, ubi in has valuulas impingeret, dirumperentur; ad quam densitatem probandam, varicum addit exemplum, cum tunc temporis diù retineant hæ valuulæ sanguinem melancholicum, & pondero-

derosum, quod certè non nisi roboris est indicium.

Igitur recta transfusi sanguinis intra corpus diffusio multas patitur difficultates, licet recipi intrà corpus totum sanguinem repetitæ demonstrauerint experientiæ; oculis nec ego fidem adimo, neque hic transfundi sanguinem in aliud corpus absolute nego, sed solum rationabiliter dubito de illius recto itinere per venas; nec rationes solum propono, sed experientiam adiungo.

Dum in brutis Transfusionem Romæ celebraret diligentissimus Anatomix Professor D. Hyppolitus Magnanus, aperuit grandiori cani jugularem venam, & immisit eam veruècini sanguinis copiam, quam prius eidem cani extraxerat; optimè sanguis ingressus est, & peractâ operatione solutisque vinculis cœpit progredi canis, at vix paucos passus ediderat, cum magnâ cæptus vertigine, cœpit in gyrum volui vsque dum fere exanimis concideret, ac manè sequenti simili detentus affectione fuit inuentus; obstupuerunt spectatores, ac talis vertiginis causa communiter relata fuit ad intromissi sanguinis nimiam copiam, quo venæ cerebri repletæ, talem peperissent effectum; sectus proinde canis, ut aliquorum  
fatis-

satisficeret prudenti curiositati , nullum sanguinem in cerebro habebat, ac totus aderat in abdominis cauitate , ac intra vefsicam & renes .

Videant igitur Transfusores vtrum perfectè sanguis intrà venas distribuatur , an potius in patentes cauitates corporis transmittatur : Certè hic canis non adeò paruus erat , vt eam sanguinis quantitatem substinere non posset , eo magis , quod antecedentibus diebus illi ferè totus proprius sanguis fuerat detractus . Insuper si ob alimentum necessitatem augetur in venis attractrix facultas, vt superius obieciabatur , cur in tali casu non præualuit , cum canis iste jam multò antea fuisset proprio sanguine destitutus , ac sanguis adueniens esset ibi necessariùs ad vitam , non ad salutem ? Ac si alicubi permeare potuisset , certè ad cerebrum peruenisset : in jugularibus nullæ sunt valuulæ, quæ possint motum illius retardare ; imò cerebri præstantia citissimam, quam reliquæ partes , postulat sanguinis affusionem ; ergò cum ibi non fuerit repertus , signum est , vel ibi permeare non posse , vel alienum sanguinem à naturâ non regi . Illam autem vertiginem ex feruentis sanguinis confluxu intrà abdomen , eiusque effumatione

Aquap.  
loc. cit.

tionem ad caput abortam esse crediderim .

At inquires, ex vnico casu non esse arguendum ad omnes, quippè si semel malè se habuit operatio, pluries tamen foeliciter est peracta, sicuti experientia, præcipuè à Gallis factæ testantur, qui non solum vnus canis sanguinem in alterum transfuserunt, sed transfusum in eo cane sanguinem, iterum alii communicarunt foeliciter.

Et sanè ex allatâ à me historiâ, sic prorsus in omnibus euenire non assero, solum dubitandi rationes hoc euentu confirmo: Cæterum si ex Parisiensium Transfusionibus benè se habuerunt canes, hoc neque vniuersalem affirmationem pro contrariâ parte potest arguere; forsân ob canini sanguinis congenitatem, ob immissonis leniorem impetum, ob intromissi sanguinis minorem quantitatem non adeò sensibilis apparuit lasio, quamuis perfecta non fuerit facta distributio, quæ temporis progressu potuit emendari. Neque exactam sanguinis ingesti diffusionem infallibiliter probat eiusdem sanguinis in aliûm canem repetita Transfusio, quandoquidem credibile est eum canem per quinque dies optimè nutritum potuisse gignere idoneam sanguinis quantitatem, quæ nouæ transfusioni posset inseruire, simul cum

cum eā portione , quæ prius in eius corpore remanserat antè primam Transfusionem , adeò vt sanguis , qui in tertium canem transfusus fuit , non idem fuerit sanguis , qui prius à primo cane in secundum transierat , sed eum cum perfectè distribui non potuisset , fuisse à corpore tamquam inutilem simul cum cæteris excrementis expulsum .

Quod autem canes , qui sanguinem receperunt , statim à vincula solvuntur , alacres surgant , ac currant , nil mirum videtur , cum igneæ canum naturæ hoc apprimè competat , ac maximè si diu fuerint vinculis detenti , ac cruciati . Præterea sanguis ingestus , licet non bene sit distributus aliquos spiritus illico ipsis communicat , ob calorem quem secum habet , sicuti accidit ijs , qui ex vini meracioris potu exhilarari sibi spiritus sentiunt , & vires crescere , & tamen vinum illud vix pervenit ad stomachum , nec adhuc cœpit corpori per coctionem assimilari .

Addere possum ad nostræ dubitationis robur alterius canis sortem infœlicem , ne vnicus casus allatus parui momenti videatur . Is recepto sanguine bene se habuit , sed paulò post largissima passus est urina , & sudoris effluvia , quæ vel ipsius sanguinis fo-

foras à naturâ per has vias protusi eruptiones censerî potuerunt, vel corporis colliquationes ab ipso sanguine factæ ob impeditum naturalem decursum, ac consequenter partem intra corpus agitationem, & calorem immodicum. Binos insuper alios canes sanguinem eâdem de causâ minxisse, retulit fide dignus Professor.

Verum hæc omnia incommoda facîle vitari posse quispiam respondet, si sanguis in paucâ quantitate immittatur. Hoc autem nunc venit examinandum.

## C A P V T I V.

*Probatur sanguinis transfundendi quantitas non posse determinari.*

**T**otum vnica vice transfundendam esse sanguinem suadere primò videtur magnæ incommoditatis vitatio, quæ repetitas transfusiones comitatur, fieri namque non potest, quin, vt probatum est suprâ, in ipsa sectione dolores, & incommoda æger non patiat, & ex ingredientè sanguine aliquam non sentiat intra corpus agitationem, & alterationem, quæ omnia, si pluries

ries fiat Transfusio , multiplicantur in detrimentum patientis , at si vnica tantum vice celebretur , semel quoque afflictor eger , & facilius acquiritur quod speratur iuuamen , cum tota sanguinis quantitas simul ingrediens sua vi facilius , & citius possit morbosam dispositionem expellere .

Suadetur id præterea , eo quia nisi sanguis nouus vniuersaliter ad omnes corporis partes perueniat , nullam potest vtilitatem asserere , quia non potest calorem vbique communicare , nec vegetiores spiritus , & commodum alimentum singulis elargiri , sanitas autem in æquali totius corporis temperamento , & vigore consistit ; si ergo non tota eius quantitas simul , sed pluribus vicibus paulatim infundatur , hoc procul dubio contingit , quia pauca boni sanguinis quantitas , quantumuis rectè circulet , vix ad vnius partis refectionem sufficit , nec nouum calorem , ( quem exiguum in paucâ quantitate continet , & partim forsam amittit ) potest firmiter partibus imprimere ad eandem stabilem refectionem .

At maximè hallucinantur qui vtilem & commodam putant vnicam transfusionem ; verum quidem est vitari repetitionem doloris & incommodi ex repetitâ operatione pro-

prouenientium , at non vitatur ; imò augetur interna agitatio , & à ſanguinis immiſſi copiâ non faciliùs , ac citiùs tollitur morbus , ſed fit contumacior , ac noui morbi cumulantur prioribus . Etenim copioſè ingeſtus ſanguis quomodo poterit à partibus recipi ? nonne abundè probatum eſt ſanguinem non ita facilè per venarû ramificationes diſtribui , ſed regurgitare intra corporis cauitates eo vehementiùs , quo fuerit copioſior : canes ſanguineo mictu laborantes poſt Transuſſionem , & reperta intra eorum abdomen ſanguinis congeries , id planè teſtantur ; & hæc minor videbitur agitatio , quam ſi paulatim repetitis vicibus ſanguis intromittatur ? Inſuper copioſi ſanguinis ingredientis impetus , licet validus , ſemper aliquam inueniet morbificæ caulæ reſiſtentiam , quæ ipſi eo validiùs opponetur , quò fortior erit ipſius violentia tam in expellendo corrupto ſanguine , tam in afferendâ partibus nouâ temperie ; ex his verò agentis , & patientis motibus , corpus proſectò admodum ſenſibiliter concutietur , ac multò magis , quam ſi agentis lenitas cum minore patientis reſiſtentiâ pugnaret .

Et his relictis , ingens accederet corpori incommodum ex ſubitâ , ac totali eius mutatione



2. A-  
phor 51.

Franc.  
Vallef.  
in com.  
Aphor.  
51. 2.  
section.

tatione à statu morboſo ad integram ſanitatē , quæ ex tali boni ſanguinis immiſſione ſtatim eueniret . Tum Hippocrates , tum Galenus centenis in locis talium ſubitarum mutationum notarunt pericula , ac præſertim ille de huiusmodi mutatione , quæ in Transfuſione fit magis propriè loquutus eſt cum dixit : *Plurimum , atque repente euacuare , vel replere , vel calefacere , vel refrigerare , aut aliter corpus mouere , periculoſum , omne enim nimium nature inimicum , ſed quod paulatim fit tutum eſt , tum alias , tum cum ab altero ad alterum tranſitus fit* : Siquidem in Transfuſione vnica vice peracta plurimum euacuatur , & quidem repente , & plurimum , & repente impletur nouo ſanguine corpus , & ex ſanguine multis cum ſpiritibus ingreſſo ; multum caleſcit , & alteratur , ergò periculo non vacat talis Transfuſio , & eo magis , quod ſimul multum euacuat , multum implet , multum calefacit , multum mouet , quando vnicum tantum horum , periculoſum eſſe , cenſuit Valeſius . Nec obſtat quod talis mutatio , quia in bonum corporis fit , periculoſa eſſe non poſſit , namque agitatio , quæ fit intra corpus ; omnem prorſus tollit mutationis bonitatem , vt præceteris ſentit

sentit doctissimus Christophorus Auega, as-  
ferens, quod talis mutatio *non tantum nocet*  
*ubi à naturali dispositione in id quod præter*  
*naturam est, mutatur, sed & si à non natu-*  
*rali dispositione in natiuam, & propriam*  
*reducatur*. Nec iterum obstat, quod Hip-  
pocrates dixerit transitum ab altero ad al-  
terum esse periculosum, vt pote inter contra-  
ria factum, sanguis autem qui euacuatur, &  
qui infunditur, sint idem tum ratione san-  
guinis, tum ratione quantitatis: Quando-  
quidem respondetur, hos sanguines differre,  
eò quia sunt diuersorum indiuiduorum, in-  
ter quæ magna plerumque inest diuersitas,  
ac etiam sunt diuersæ speciei, cum brutum  
animal sanguinem transfundat in hominem;  
& si nulla alia adesset disparitas, eā ma-  
xima inest, quod vnus exsanguibus mor-  
bosus, est, & sæculentus, alter, purus subti-  
lis, & optimus, & vt comentatur. Galenus,  
mutatio hæc periculosa est, *cum ab altero,*  
*cui assueuimus, transimus ad alterum,* & vt  
Vallesius subiungit, *cum ab insuetis reuer-*  
*timur ad consuetam*, in Transfusionem ab insue-  
to morbofo sanguine reuertitur æger ad bo-  
num, & congenium, velsi mauis dicere,  
à morbofo sanguine, quo assueuerat nutriri,  
accipit denuo bonum sanguinem, quo multo

Christ.  
Auega  
in com.  
aphor.  
suprad.

Galen.  
in com.  
aphor. 5.  
sect. 2.

Valles.  
ibidem.

tempore fuerat destitutus, ergo magnam subit, & periculosam mutationem licet sanguis sit qui educitur, & qui recipitur.

Tandem nec prædictis Hippocratis textibus opponi possunt alij eiusdem textus, in quibus mutationes violentas, & præcipuè sanguinis missiones vsque ad animi deliquium probat; etenim tales euacuationes & motus non in regulari curâ vsurpandos esse voluit, sed in curâ coactâ, vt sentit Foroliuiensis; at in Transfusione, quæ præcipuè morbis chronicis conuenit, non videtur curâ tam præcipiti esse vtendum, cum morbi tales dent sufficientes inducias ad operationis repetitionem.

Foroliuiensis in aphor.

Prætereo extinctionem caloris natiui, quam faceret in corpore vnica, & copiosa Transfusio, hoc namque est vnum expericulis, quæ continentur in mutationibus subitaneis, vt supra retulimus, nec præter rationem hoc eueniret, cum compertum apud omnes sit natiuum calorem extinguere, non solum ob pabuli defectum, sed etiam ob eiusdem nimiam copiam, qua obrutus dissoluitur; at nimius respectu ægrotantis in corpore caloris tantus sanguis simul irruens absque dubio esset.

Iam video exultantes mihi gratulari  
Trans-

Transfuſores, quod nempe vnicam Transfuſionem damnans, ipſorum dogmatibus fuerim aſſentitus, cum plerique illorum magis rationabiliter aſſerant, diebus, ac vicibus repetitis eſſe peragenda, at quieſcant parumper, nec proinde illius me opinentur amicum,

. . . . *timeant Danaos & dona ferentes* Virgil.  
quæ ſuperius allata ſunt argumenta, non in æneid.  
Transfuſionis fulcimentum tendunt, ſed in ruinam: namque ideo probatum fuit illam vnicâ vice non eſſe faciendam, vt probetur deinde nec etiam repetitis vicibus poſſe vtiliter adimpleri, & conſequenter quoad quantitatem infundendi ſanguinis, illam eſſe incertam proſus, & dubiam; audiant igitur ſecundæ propoſitionis probationes.

Certiſſimo conſtat experimento, quod vbi duæ res ſimul miſcentur, illa quæ vel quantitate, vel qualitate ſuperat alteram, eam ſibi quoque aſſimilat, ita vt fere nihil de proprijs qualitatibus, & virtute retineat: paſſim hoc videtur in mixtione multæ aquæ cum pauca vini quantitate, ex qua licet vinum qualitate aquam ſuperet ſuperatur tamen ratione quantitatis ab aquâ, & ipſius vertitur in naturam; & è contra idem fit in mixtione pauci rubri liquoris cum multo

albo ; in qua ruber color ob vehementiorem coloris qualitatem sibi album quoquomodo assimilatur, licet in quantitate maiorem :

Notissimum præterea est, quod si partitis vicibus repetatur Transfusio, multo maior erit quantitas remanentis in corpore pravi sanguinis, quam boni, qui noviter transfunditur ab alio individuo, ergo cum pravi sanguis existens in corpore, quantitate longè superet bonum immissum, asserendum, necessario erit, non bonum sanguinem pravi emendare corruptelas, sed potius illius infici posse conditionibus, ac prorsus in eius degenerare naturam, vnde consequenter erit inferendum, repetitas transfusiones ad nihil aliud inferuire, quam ad augendam discrasiam, & a stabiliendam causæ morbificæ quantitatem :

At si immissus per Transfusionem sanguis quantitate præexistentem in corpore non superat, superat tamen qualitate. & sic vel in exigua copiâ reliquum reddit sibi similem & puriorem, Attamen si qualitatum excessus vnus sanguinis supra alterum erit metiendus, præualebit certè corruptus sanguis non bonus, nam præterquam quod ille iam discrasiam in præcipuis partibus corporis firmavit, ac in proprio suæ generatio-

nis

nis loco reſidens, magis ſeuere ibi ſuam exercet tyrannidem, praualet certe in multis mixtionibus pars deterior ſupra meliorem. Immiſceas parum aquæ turbidæ vel amaræ cum maiori quantitate aquæ puræ; & dulcioris, & profeſſo videbis admodum ſenſibiliter communicatas aquæ dulci, & claræ amaritudinem, & confuſionem: non ſic eueniet ſi magnæ quantitati eiſdem amaræ aquæ, paucam dulcem aſſundas, etenim nullam ferè illi comunicatam dulcedinem deguſtabis, & hoc certè fiet ob prauæ qualitatis exceſſum ſupra meliorem. Simili prorſus modo in ſanguinum mixtione contingit, ſiquidem potius prauus exceſſum habebit ſupra bonum, quam è contra, non obſtante præſertim huius maiori quantitate.

Nec dicas cum nouo ſanguine inferri nouum calorem, qui diſgregare valens ethereogenea ab homo geneis, poterit etiam malas ſanguinis qualitates ſeparare ne, nouum inſiciant. Reſpondeo namque, quod ſicut ſanguinis immixti quantitas reſpectu alterius eſt exigua, ſic etiam erit calor exiguus, & parum ſufficiens ad tale opus, cum præcipuè a contrariarum qualitatum contumacia non parum poſſit diſperdi.

Confirmat aſſertionem noſtram Hippocra-

Hippoc.  
2. aphor.  
10.

Galen.  
in com-  
aphor.

tis præceptum, inquit ille: *Impura corpora quò plus nutries, eò magis lades*; ob eam nempe rationem, quam subdit in commentario Galenus: *corrumpitur enim adueniens alimentum, una cum ijs vitiosis humoribus, qui iam in corpore præexistunt, ita ut ipsorum quidem quantitas augeatur, qualitas verò seruetur*. Licet ibi cum Hippocrate loquatur de illa nutritione, quæ fit mediante ventriculi coctione, & de cruditatibus in primis vijs existentibus, valet etiam in casu nostro assertio, cum loquamur de magis immediatâ corporis nutritione, & de impuritatibus, quæ cum intra venas sint, magis etiam sunt stabiles, & contumaces.

Nititur concutere supra dicta argutus nescio quis Transfusor validâ satis obiectione; inquit ille: si repetitæ transfusiones sanguinis non possunt humorum corruptelam tollere sed potius adaugent, ergo id etiam præstabunt repetita alterantia, & medicamenta, quæ per epicrasim purgant, quæ in paucâ quantitate propinantur, at contrarium asserit experientia. Disparitatem nihilominus facillimè assigno, siquidem tum alterantia, tum purgantia non sunt sicuti immixtus sanguis qui cum priore conuenit ratione substantiæ, & solum discrepat quoad  
maior-

maiores perfectionem, ac proinde facile potest in illius naturam transire, illa namque plurimum discrepant à reliquis corporis humoribus, tum substantià tum præcipuis qualitatibus, & ideo non possunt in eorum naturam verti, nec abijdem superari, cum præcipuè purgantia agant totà substantià, nec aliud moliantur, quam materiæ peccantis educationem

Constat igitur, nec etiam repetitis vicibus immissum sanguinem conferre. At quamvis aliquando sic posset immitti remaneret tamen alia non levis difficultas excutienda; quæ scilicet quantitas, tum in singulis immisionibus, tum ad totalem morbi debellationem esset transfundenda, cum in hoc præcipuè consistat remedij comoditas, hoc autem non ita facile stabiliri potest, quandoquidem si reliquarum medicinarum dosis excedens infert graua pericula, deficientis verò, inutiliter propinatur, similiter hoc continget de sanguine, & eò magis cum antiquorum ægròtantium lassata natura (in his ut plurimum celebratur Transfusio) magis sentiat remedij excessum, vel deficientiam, nec immissi brutalis sanguinis exactè noscatur temperies, ac cum patientis hominis sanguine correlatio, nec quantitas eius-



dem sanguinis introeuntis ponderari possit, ita ut proportionem respondeat altero exeunti, ne præter rationem repleatur æger, vel necessaria refectio defituatur.

Audiui excogitatum fuisse instrumentum quoddam ad ponderandum sanguinem, qui immittitur quod talis est structura. In illis tubulorum extremitatibus, in quibus inuicem coeunt adnectitur utrinque vesicula, quæ contineat e. g. unciam unam sanguinis, in quam sanguis transfundentis colligitur, nec prius in alterum recepturum tubulum transmeare permittitur, quam plena sit talis vesicula, tunc enim probè noscitur unam sanguinis unciam fuisse transfusam. At in aliud periculum ducit huiusmodi instrumentum, si quidem inutilem prorsus reddit sanguinem, & spiritibus depauperat, dum in eà veluti lacunà eum immorari facit antequam corpus ingrediatur. Sunt alij, qui horologii, vel penduli beneficio credunt posse determinari quantitatem sanguinis transfusi spatio tot minutorum, vel undationum, sed sicuti systoles, & diastoles possunt in transfundentibus corporibus quæ vis de causa nunc celeriores reddi, nunc tardiores, & ab illis immittitur in alterum corpus sanguis, ita stabiliri non potest quantitas

fiant

fiant intra quadrantem horæ pulsationes, ac quantus ab eis sanguis effundatur. At nimiam excreuit in quantitatem discursus, properemus ad alia.

## C A P V T V.

*Disceptatur de qualitate sanguinis qui transfunditur.*

**H**Vmani sanguinis in alterum hominem immissionem, vel ipsi Transfusores exhorruerunt, legibus, & pietati inimicum opus exequi recusantes quia propter comuni assensu brutali sanguine vtuntur, quem idoneum ad hoc putant, imò & humano meliorem; an autem rationi respondeat hic vsus, negandum potius videtur, quàm asserendum.

Obstat præcæteris sensibilis ipsi etiam vulgo disparitas inter brutum, & hominem, quæ vel ipsæ rudes mulierculæ impossibilem declarant perfectam refectionem ab altero alteri comunicandam. Etenim quis potest induci vt credat, sanguinem aptum nutriendo verueci, sordido, fetido, ac villi animanti, eundem idoneum esse ad hominis, non nutritionem

tionem tantum, sed optimam restaurationem? nonne eandem imperfectionem, & excrementa, quæ proprio corpori communicat alteri violenter intrusus non inferet? Vescimur quidem, & probè reficimur veruecinis, & aliorum animantium carnibus, sed illas non immediatè nostris apponimus, sed tum extra, tum intra corpus nostrum varijs coctionibus reddimus puras, & aliquid quodammodo humanijs impertimur antequam eis nutriamur; at in Transfusionem brutalem sanguinem statim intra corporis penetralia recipimus, quæ quoad plerasque qualitates multum à nobis distat, nec potest probè recipi, & perfectè assimilari.

Confirmat hanc diuersarum specierum impossibilem discordiam vulgaris admodum res quæ quotidie nobis ob oculos ponitur. Inseritur alicui arbori tenuis ramusculus alterius arboris diuersæ speciei, hic majori trunco neſcitur, & comuni vterque vivit nutrimento, quod è terrâ ipsis suppeditatur; at licet vna iam facta sit arbor, licet comuni fruantur alimonia, non inde propriam mutarunt naturam sed inuicem alterantur, & fructus ædunt vtriusque naturæ participes; tantam ergo potuit exiguus ramus mutationem efficere in arbore, in qua rudior

rudior conditio minus facilem reddit alienarum qualitatum impressionem, nec adest humorum tam exacta, & multiplex natura, nec viscerum functiones ita sunt ordinatae, quae alterationem, & laesionem facile recipi faciant ab adueniente contrario comunicatas.

Inferri igitur ex hoc cum ratione potest, insertum homini brutalem sanguinem vni quidem, sed talem facere mixtionem, vt inde alteratum corpus talis sanguinis qualitates necessario suscipiat, ac in eius quoquomodo naturam degeneret, eius scilicet recipiens sordes, & propriam belluam temperiem.

Quinimò, & mores, qui corporis temperamentum sequuntur, vt diffusè probauit Galenus, & peculiariter asseruit Rodericus Castrensis, docens, ex alimentis ingestis mutari temperiem, & subinde mores: in Transfusionem alitur homo immediatè brutali sanguine omnibus ijs spiritibus imbutis, qui intra ipsum animal belluinas operationes efficere valebant, sanguis iste arteriosus est, qui efficacior ad id præstandum à Senerto censetur, apud quem plura leguntur exempla harum mutationum à brutali sanguine assumpto prouenientium, organa eadem ferè sunt,

Galen.  
li. quod  
animi  
mores  
&c.  
Roderi-  
cus Ca-  
stren. in  
lib. de  
alimen.  
sectio 2.  
cap. 4.  
Senert.  
l. 2. instit.  
part. 3.  
sectio 2.  
cap. 4.

sunt , ac in brutis , ergo facillimè homines , brutales ædent operationes .

Figuram hominis ab immisso belluino sanguine immutari posse ita vt homo veruecino sanguine, imbutus cornua emittat, vellera, & vngues prorsus nego & ridiculum censeo , at licet ridiculum sit erit tamen Transfusoribus non parû infensum. Dantur certè in veruecino sanguine partes excrementitiæ quæ in corniû pilorum , & vnguium naturam degenerant, sicut aliæ sanguinis partes puriores reliquis corporis partibus assimilantur ; hæ autem partes sanguinis , siuè ex se ad nutrienda corporis membra perueniant , siuè ab ijs attrahantur parum refert , certum idest , quod tales partes sanguinis excrementosæ , quæ in humanum corpus immittuntur , vel ad eas partes de mandabuntur , prout fiebat in brutis , & sic gignent vellera cornua &c. vel si non de mandabuntur , eo quia harum rerum in homine nulla reperitur , remanebunt , cum reliquo sanguine, & ad nobiliora viscera permeabunt , vbi damnum non leue afferent reliquam sanguinis probam portionem corrumpendo .

Vidimus quanta adsit qualitatum disparitas inter humanum corpus , & belluinum sanguinem in eo Transfusum , vnde benè collegi-

legimus comodam restaurationem ab eo præstari nullomodo posse, verum incomoda non contemnenda. Istabit nihilominus argutus Transfusor, & addet, brutalem sanguinem, licet quoad cæteras qualitates discrepet ab humano, conuenire tamen cum eo ratione caloris, qui est præcipua res, quæ attenditur pro corporis refectione, etenim vel ipso asserente Platone omnium animantium, licet specie diuersorum vnus, & idem est calor & comuni patet experimento, deperditum in homine calorem restaurari, appositis supra refrigeratam partem animantis adhuc viuentis calidis visceribus, ex quo non nisi vtriusque indiuidui calorem symboleitas arguitur.

Plato in  
Timæo.

Sciat tamen non adeò indubitatam esse propositionem quam ipse facit de omnium animantium specie diuersorum calore, si quidem multa operatur calor natiuus in vno animante, quæ in alio alterius speciei operari non potest licet plerumque sit in eodem gradu, imò in minori. Prætereo quod destruthio camelo, fertur ferrum ipsum vi caloris digerente, quod vel Leoni animantium omnium calidissimo exequi non permittitur: id absque dubio patet, fœnum, & paleas, quibus apprimè nutritur Asellus torpidum,

& se-

Plato in  
Timæo.

& segne animal, ideoque calore parum viuido suffultum, in hominis congenium alimentum transire non posse, licet hominis calor, vel idem sit cum Aselli calore, vel certè viuidior: crudas carnes, quibus innocuè cætera animalia vescuntur, homo nullo pacto concoquere perfectè potest, licet sit quoad calorem perfectior; ergo patet diuersorum animantium calores non esse eiusdem prorsus speciei, cum tam diuersos adant effectus non à maiori, vel minori gradu, sed à diuersa formâ specificâ prouenientes. Optimè quidem asseruit Plato, *omne animal in sanguine, & venis calorem quasi ignis quendam fontem habere*, quia in quolibet animali calor velut ignis coquens est sed non eodem procedit modo in singulis, cum secundum diuersas illorum species diuersimodè etiam circa coctionem operetur. Nec similitudinem inter omnes animantium calores probat allatum experimentum de animalibus viuis exectis ad restaurandum in refrigeratâ hominis parte calorem, quia sæpius id æquè præstant calentium aliarum rerum appositiones, & calidorum medicamentorum linimenta, quorum certè calor eiusdem speciei cum natiuo hominis calore, censeri non debet, illa namque calentium  
ani-

animalium appoſitio: nil aliud præſtat, quam elementaris caloris qualitates, quibus pori refrigeratæ partis aperiuntur, alliciuntur ſpiritus, vè ibi confluant, diſcutiuntur humores craſſi, & lenti, ſi forte ibi ſint, & natius calor aduocatur, vt à cæteris corporis partibus, illuc etiam parumper diffuat, & ſanè non violenter, ita vt cor, & reliqua præſtantiora viſcera deferat, ſed ſufficienti irradiatione, qua gradatim abſque vllò reliqui corporis periculo pars etiam illa deperdita, comuni gaudeat talis caloris influxu; cæterum credibile non eſt ab illo exenterato animante transmitti ibi propriam vim, & ſpiritus, quibus ſtatim ea pars quaſi nutriatur, perinde ac ipſum animal illos amplexabatur.

Instabit Transfuſor: nonne ſuperius dixiſti belluinum ſanguinem in humanum corpus Transfuſum ibi poſſe belluinos mores, & qualitates producere? ergo eiufdem ſpeciei illum facis, ac prorſus admittis id quod nuper negaſti, ſcilicet calorem horum ſubiectorum ideò eſſe diuerſum, quia quod operatur in vno, in altero operari non poteſt.

Reſpondeo non ita vniuerſaliter me aſſeruiſſe omnia à bruto transire in hominem mediante ſanguinis effuſione, ſed ſolum dixiſſe



xiffe qualitates ipsius sanguinis, tum primas tum secundas, homini comunicari, & consequenter posse alterare ipsius temperiem, & mutatâ temperie mores, eos scilicet, qui ab ipsa intemperie possunt prouenire, puta ab humidâ, & frigidâ torporem segnitiam, stoliditatem, à calidâ, & siccâ, furorem rabiem &c. non verò eos mores, qui propriæ brutorum naturæ conueniunt, & illa ab homine specificant, puta vocem victus rationem, &c hæc namque operationes sunt illæ, quæ animantium species constituunt, & sicuti calor, id quod in vnâ specie operantur, in aliâ non efficiunt. Cæterum, & hoc non supposito, sumat aduersarius quam libet ex supradictis assertionibus, & mihi sufficiet, etenim si vera erit prima, scilicet belluinam naturam posse homini comunicari per sanguinem, & calorem, ergo ob tale periculum non est celebranda hæc Transfusio: si autem secunda vera fuerit, scilicet calorem in diuersis specie animantibus non posse easdem operationes efficere, ergo inutilis concluditur vnus ad alterum transmigratio; sic igitur duæ istæ assertiones, nullâ obstante earum contradictione, singulæ pugnabunt in Transfusionem.

At possit quantumuis operari in homine  
bru-

brutalis calor , fitque eiusdem prorsus speciei cum ipso , ideone periculo vacabit hæc Transfusio? minimè quidem , cum Transfundentis animalis calor à vulnere , ligaturis , & violento situ , quo detinetur , summo-  
pere agitetur & excandescat , ex quibus non valde amicū recipienti indiuiduo potest accedere , ac illius labantis vires perfectè reficere ; imò ex vi , & agitatione supradicta potest faciliè concipere phlogosim , quæ possit in subiecto recipiente febrem accendere , cum præsertim tale corpus ægritudine re-  
belli laxatum , & proprij sanguinis effusione refrigeratum , talis impetus violentiam facillimè persentiat , & firmiùs recipiat , nec possit irruenti calori taliter resistere , vt contrarijs qualitatibus eius temperet ardorem , namque propria imbecillitas non permittit ipsum obstare contrario aduenienti , sed potius illi succumbere .

Audistis iam satis quanta secum ferat infcōmoda belluini sanguinis in hominem infusio : vidistis denuo fabulosæ Circis perditas artes in lucem prodijisse , quibus homines conuertebantur in bruta , hoc quoque nomine etiam illis sæuiores , quod ex dulci concentuum harmonia utebantur ; hæ verò rigida sanguinis effusione perficiuntur . Vt

D

autem

autem plenius earum eradicetur abusus, iuvat hic etiam refellere rationes nonnullas, quibus aliqui Transfusores, non solum brutalem sanguinem ad hoc opus idoneum censuerunt, verum humano sanguine longè meliorem existimarunt; prima ratio sic habet; Bruta animi passionibus non ita subiacent, ut homo, nec immoderatè ciborum ingluviei deseruiunt, ut ille; quapropter meliorem sanguinem apta sunt gignere, & de facto in homine, & vel ipsis lactentibus puerulis purus sanguis non reperitur. Secunda est: utimur quotidie carnibus animantium, illorum lacte. plures morbi curantur, ergo sanguine etiam perfectè restaurabimur. Tertia est, quod facilius in brutis operatio perficitur, cum possint quomodolibet adaptari, arteria possit innocuè secari, & possint ad opus præparari, ea nutriendo ante operationem ijs cibus, qui illi morbo, quem curare intendimus, resistere valent.

Ad primam igitur sic responderetur falsum esse quod bruta minus quam homines passionibus animi subiaceant, & ingluviei deseruiant; siquidem homo per hoc differt à brutis, quod rationis imperio passionem comprimere potest; per accidens enim se habet quod homo in aliquà ex ipsis obstinatè perseue-

seueret, at bruta, qualia non aggrediuntur  
vt passionibus obtemperent? quantis tem-  
pore coitus insaniunt furoribus? adeò vt plu-  
ra ex ipsis ferè contabescant; quanto in ra-  
biem capiuntur impetu? quam incessanter  
gulæ deseruiunt, cum assidue ad comeden-  
dum parata, & intenta reperiantur? at ho-  
mo quantumuis voracior, statuta tempora  
sibi parat ad cibum, apto ad digestionem  
interuallo diffusa, quæ licet quispiam mu-  
tet, diù tamen à statuta lege aberrare non  
potest, ipsum, vel inuitum, ad iustam nor-  
mam reducente natura. Si verò hominum  
sanguis impurus ferè semper apparet, nil  
prohibet talem quoque posse conspici in bru-  
tis: si enim in ijs vitientur coctiones, si humor  
aliquis exuberet æquè benè eorum inficietur  
sanguis ac in homine inficitur: cæterum respec-  
tiuè ad brutalem sanguis humanus substan-  
tiam habet meliorem, & spiritus vegetiores,  
quod nullus certè inficiari audebit.

Ad secundam alibi in hoc capite fuit re-  
sponsum, quod dum carnibus, & lacte bru-  
torum nutrimur, illas prius pluribus coctio-  
nibus nobis congerieas reddimus, antequam  
nobis assimilemus; non sic in casu præsentis,  
in quo sanguinem belluinum nullo modo  
repurgatum immediatè nostris visceribus

apponimus, & corpori assimilamus.

Ad tertiam conceditur posse brutis secari arteriam, quia de illorum vita nihil curamus, posse item ligari, & quomodolibet ad opus adaptari, posse insuper optimè nutriri, attamen non ex hoc belluini sanguinis innotescit perfectio; si enim ijsdemmet cibus nutriatur homo, sanguinem gignet absque dubio meliorem, quam bruta, ergo deleatur humano sanguini illata contumelia, qua belluino declarabatur imperfectior, & firmiter constet, incertam adhuc esse qualitatem sanguinis ad Transfusionem idonei, cum humano uti, sit periculosum, & quodammodo execrandum, belluino verò, sit inutile & perniciosum.



# SECTIO SECVNDA

## TRANSFVSIO INVTILIS

### CAPVT PRIMVM

*Ex parte sanguinis Transfusi inutilitas  
Transfusionis arguitur.*



**P**LVRI<sup>VS</sup> in superiori sectione inutilitatem Transfusionis demonstraui<sup>mus</sup>, quamvis de illa propriè locuti non fuerimus, dum enim quantitatem, & qualitatem Transfusi sanguinis certa regula non stabilitas notauimus, simul earum noxas, & pericula recensuimus, & non solum inutiles, sed perniciosas agnouimus: restat nunc vt de tali inutilitate magis exprofesso loquamur, quandoquidem Transfusores se iactant remoturos præfatas incertitudines assiduas, & iteratis experiētijs; imò prædicant iam Transfusionem fœlici cum euentu pluries fuisse administratam, & nonnullos morbos exactè curasse.

Inculcandum igitur erit, vanum prorsus  
esse

esse iuuamen, quod à Transfusionē supponitur recipiendum; & primò id erit probandum ex ipso sanguine, qui transfunditur, qui quantumvis sit eiusdem conditionis cum homine, & calorem habeat cum eo specie conuenientem, adhuc tamen dum in corpus immittitur jam amplius non valet stabilem vtilitatem efficere, & amissam salutem perfectè nutriendo restaurare constanter.

Certissimum est præcipuas nostri corporis functiones mediantibus spiritibus fieri, & labefactatam nutritionis œconomiam non aptè restitui optimæ materiæ appositione, nisi quoque talis materia sit viuidis copulata spiritibus, qui eius adiuuent distributionem, appositionem, & coctionem; ergò si corpori à contumaci affectione laxato succurrere per Transfusionem velimus, necesse est vt talem sanguinem in eo transfundamus, qui non solum in qualitate sit purus, in quantitate proportionatus, sed spiritibus & calido naturali plurimum sit refertus, vt possit intra ægrum corpus operari, & distribui, ac insita vi viscerum deprauatas functiones componere, ac totum corpus sensibilibiter immutare; & proinde optimè sumitur sanguis arterialis, qui spiritibus est  
opti-

optimè saturatus , cum immediate à caloris fonte profiliat .

Tali supposità veritate inutiliter celebrari Transfusionem asserendum videtur , cum sanguis arterialis , qui egreditur ab animante, & per tubulum transcurrens , ingreditur ægrotum hominem , plurimos intali egressu amittat spiritus , & ex ijs puriores , & meliores vnde nullo pacto potest quidquid opus erat ijs mediantibus intrà corpus patientis efficere : nec obstat quod multis auxilijs horum spirituum impediatur effluxus , calefaciendo non solum aerem circumstantem , sed ipsum tubulum , vel calidâ spongiâ fouendo vel etiam ipso venali sanguine hominis egrediente alluendo , vel humana item pinguedine liniendo vt proponit Transfusor eximius ; siquidem horum spirituum facillimam euolutionem , & ferè impossibilem illorum egressui resistantiam ipsa nos docet Natura , & notissimo constat experimento , cui protinus necessarium est acquiescere .

Generationis opus apprimè impeditur ex communi consensu , si coeuntis masculi penis paulò longior extiterit , sic Aristoteles , & Auicenna , qui præcipuè sic loquitur , & talis euentus rationem apponit : *Et cum*

Aristot.  
p. de  
Gen. A.  
nimal.  
cap. 6.



Avicen.  
l. 3. fen.  
20. tract.  
1. cap. 23

*prolongatur virga valdè , prolongatur motus spermatis , quare venit ad matricem calore eius jam fracto , non ergò generat secundum plurimum ; at si in tali casu calor deperditur , & spiritus evanescunt cur id non fiet in Transfusione ? penis , qui tubuli vices gerit , non solum externi aeris calore munitur cum à corporum contactu maximè calefiat , non solum à frigidà , & inanimatà materià non componitur ; sed vivit , & venis , arterijsque fouetur , verum etiam intra muliebri vasculum ferè totus occlusus , exactiùs ibi fouetur , quam in Transfusione foueatur tubulus sanguine pinguedine , & spongijs . Insuper feminalis materia , qua spiritus obuoluuntur , maioris longè est crassitie , quam sanguis ipse arterialis , quà certè non leuiter possunt spiritus detineri , ne fugiant ; operatio citissimè perficitur , ac tandem corporum motu plurimus ibi accitur calor , non leue beneficium toti operi adiungens ; nihilominus talis jactura subsequitur , vt generatio fiat irrita . An non ergò irrita quoque fiet nutritio , & corporis restauratio per Transfusionem , in qua sanguis maiorem patitur spirituum defectum , cum validiora non habeat auxilia , quibus muniatur ? Insuper in supra-*

pradiçto casu semen, licet aliquo ingredia-  
tur destitutus vigore, attamen statim ab  
vtero excipitur, ibi totum colligitur, &  
optimè fouetur, mixtione sanguinis men-  
strui confortatur, & accessu fœminini semi-  
nis coadiuuatur ad optis; & tamen adhuc  
persistit inutile ad procreandum; tantus  
fuit vigor, quem in tali itinere, licet opti-  
mè munitum, amisit. At sanguis transfu-  
sus in omne corpus dispergitur, viscera,  
non solum calore spoliata, sed contumacibus  
obstructionibus, & pessima diathesi afflicta  
peruadit; cætero sanguini immiscetur, qui  
non spiritus impertiri potest, sed contagium  
inferre, vndè vires, quas in immisione de-  
perdit, nullo modo poterit reassumere, & sic  
inutiliter transfundetur.

Alijs etiam de causis ingrediens sanguis  
potest inutilis declarari, de quibus inferius.  
Restat vt aliqua dicantur de humanâ pin-  
guedine, quæ proponitur ad illiniendos tu-  
bulos, ne sanguis præterfluens detrimentum  
fufcipiat, quam duplici nomine non con-  
uenire declaro, primò quia non suppono san-  
guinem in itinere grumefieri, ita vt mate-  
ria penetrante opus habeat ad sui dissolu-  
tionem. Secundò, quia etiam si opus ha-  
beret, tamen non posset sic tubulo illinita

vti

utilitatem præstare ; necesse enim est , ut appositum medicamen , vel immediatè affectam partem tangat , vel saltem imponatur cuti propinquæ , à qua ratione communis caloris probè suscipitur , & ad partem affectam transmittitur , non verò inanitatæ rei applicatur , quæ vel resistere intromissioni potest , vel medicamento vires infringere , cum nullam habeat cum parte patiente congenitatem , sic inutiliter mederetur quispiam tumori vel vlceri in brachio existenti , si supra vestes emplastra apponeret , putans ea posse vestium poros penetrare , & hinc laboranti membro remedium afferre : ita profectò sanguini intra tubulum grumefacto mederetur humana pinguedo exterius illinita . Sed inutilis prorsus est de his disceptatio , juuat ad meliora calamum conuertere .

## C A P V T I I .

*Ratione partium recipientium eadem inutilitas confirmatur.*

**I**ntromissum sanguinem partibus corporis recipientibus non rectè accomodari jam

Jam in primâ sectione similiter cœpimus  
 probare, dum vel ob quantitatem ab illis  
 respui, vel ob qualitates diuerſas illis non  
 probè vniri diximus; nunc autem magis  
 ſpecialiter idem occurrit probandum, vnde  
 cæteras rationes relinquendo, vnica tantum  
 res nunc repetendâ erit, quam in ſuperiori  
 Sectione Cap. 3. inſinuauimus, ſcilicet,  
 quod ad hoc vt ſanguis qui ingreditur, ſtã-  
 tim per vniuerſum corporis ambitum dif-  
 fundatur, & multiplices venarum diuari-  
 cationes peruadat, ac earundem anguſti-  
 as ſuperet, prout de factò taliter distribui ali-  
 quibus videtur, cum magna ſanguinis co-  
 pia ab vito animante in aliud transfundi vi-  
 deatur, neceſſaria ſit in vniuerſis corporis  
 partibus valida quædam attractrix fa-  
 cultas, quæ violentâ quadam ſuctione, qui-  
 buſcumque non obſtantibus, ſanguinem ad  
 illas aſportet; hanc verò attractricem  
 validam negauimus in corpore ægrotante,  
 dari poſſe, cum hæc mediantibus calore, &  
 ſpiritibus operetur, & in tali corpore ij pe-  
 nẽ ſint omnes exhausti ab antiquatæ ægri-  
 tudinis contumaciâ. Nunc autem hæc quo-  
 que attractrix violenta illis eſt liberaliter  
 concedenda, vt ex tali conceſſione noua in-  
 Transfuſionem argumenta parentur, pò-  
 teſt

test siquidem admitti quod Natura, vt euacuati sanguinis restauret jacturam, tota sese colligat ad noui sanguinis attractionem: Ideone igitur probè reficientur tali sanguine partes corporis tam auidè ab ipsis excepto? quinimò valdè noxium experientur, & solum ad firmandos priores morbos idoneum; si namque loquamur de nutrimento, & refectione externarum partium carnosarum, qualis in Cachecticis, & tabe factis moliri intenditur per Transfusionem, assero illam nullo modo assequi posse mediante hoc sanguine ad illas in tali copià, & tantà vi attracto, cum is antequam nostris carnibus apponatur, plures subire debeat mutationes, quibus, tamquam per gradus, in hominis commutetur substantiam; at sanguis hoc modo iruens non potest perfectè præfatas mutationes recipere, nempe temperati roris ad instar transcolare non potest, quia violentum, quem ab attractione cursum suscepit, ibi cohibere non valet, nec conceptus in motu calor, illum tantoperè immorari finit. Rore benigniter, & pacatè non exudante, gluten consequenter imperfectum fit, & parum tenax, à copia scilicet superuenientis liquoris dilutum. Gluten autem imperfectum; in malum vertitur.

titur Cambium , tum ex parte sui ipsius cum parum ad herere possit ob glutinis imperfectionem , & ob non exactum coctionis gradum acquisitum tum etiam ex parte recipientium carniū , quæ pertinaci dyscrasiā laborantes , quidquid ipsis apponitur , in propriam naturam conuertunt , & maximè si nutrimentum quod aduenit , perfectissimum exactè non sit ita vt possit earum prauæ dispositioni potenter resistere .

Si verò loquamur de eiusdem sanguinis attractione , à visceribus facta protinus affirmandum erit , posse in eis calorem extinguere , obstructions confirmare , abscessus forsan parere , & inde reliquo corpori augere detrimenta salutis , cum enim in illa quoque violenter irruat , siue ab ipsis visceribus auidè attrahatur , vt à cæteris partibus fieri iam supposuimus , siue ex se ad illa confluat , ex eo quod nunquam eadem probā mensurā distribuatur , ac proprius sanguis distribuitur ( namque propriæ substantiæ tenuitas , & emittentis bruti agitatio , ipsi motum violentum conciliant saltem per primas , & patentiores vias ) facile potest præfui copiā calorem in illis iam fatiscentem obruere , vnde magis rebelles fiunt obstructions , nec non ibi collectus , & vel  
in

in ipsorum cauitatibus stagnans , vel per eorum substantiam diffusus ( cum totus eo modo ac ingreditur in viscerum substantiam, probè commutari tam citò non possit) facilè potest inflammationes parere , & abscessus , cum magno sanitatis , & vitæ discrimine . Sed singula detrimenta , quæ in singulis morbis , quibus adhibetur Transfusio sanguis, loco vtilitatis infligit , exactius infra narrabimus : sufficiat pro nunc manifestè ostendisse Transfusionem non solius nouitatis esse ream , sed aliorum etiam criminum esse contumacem .

### C A P V T I I I .

*Ostenditur omnem vtilitatem , quam posset  
afferre Transfusio, esse infructuosam &  
parum durabilem .*

**R** Espectu ipsius sanguinis Transfusi, & partium eundem recipientiũ , nullam vtilitatem potest afferre Transfusio; quod si forsitan aliquando posset aliquod inferre iuuamen, illud adeo breuem haberet durationem , vt vix umbratile vtilitatis nomen obtinere valeret: Morbi autem quibus adhibetur Transfusio

fusio, cum sint vt plurimum antiquati, & rebelles non nisi stabili, & magna auxilij virtute leuantur, & respectu ipsius operationis, quæ laboriosa est, ac difficilis, nulla censetur vtilitas, nisi notabilis, & firma consequatur. Eam verò ( si quandoque illa frui liceret ) citissimè euasuram, certissimo summi Hippocratis probatur oraculo, ait ille: *Eorum quæ confertim, & velociter nutriunt, veloces quoque fiunt excretiones*, sed sanguis Transfusus velociter nutrit, ergo velocem habebit excretionem à corpore; minor argumenti propositio probatur, si quidem asserit Valesius, quod quæ omne alimentum, quod præstare possunt, simul, citòque præstant, confertim & celeriter alunt, hic autem sanguis, si aliquod corpori nutrimentum affert; illicò totum affundit, quia immediatè illud partibus apponit, non vt cætera alimenta, quæ per varia viscera transeundo, non illicò suas effundunt vires, sed debito tempore, & iustà portione distribuunt, prout partium exposcit necessitas, vt illis melius adhæreant. Præterea quia, vt probatum est supra, validà attractione sugitur hic sanguis a partibus corporis; & sic quidquid boni habet, violentà celeritate transfundit, non solum vitiosam, sed etiam

Hippoc.  
aphor.  
18.

Valesius  
in com.  
aphor.



Valesius  
ibidem.

etiam leuem, & inconstantem afferens refecti-  
tionem. Tandem quia ipse ex propria sui  
natura stabile alimentum præstare non valet  
cum sit arterialis, & consequenter in sub-  
stantia tenuissimus, ac fluidus & quantum  
natiui caloris deperdit in itinere tantum  
extraneæ caliditatis à corporis transtun-  
dentis interna commotione recipiat; ergo  
si velociter nutrit, & apponitur, velociter  
etiam exornetur, hoc est, *substantia, quam  
præstat corpori citò dissipabitur, haud du-  
rans diu*, vt exponit idem Valesius.

Confirmari insuper potest talis vtilitatis  
duratio breuissima, ex eo quia cum trans-  
fundatur intra corpus singulis vicibus vna  
libra sanguinis aut paulò plus ista sangui-  
nis quantitas paucis circulationibus tota  
absumitur in corporis nutritionem; at post-  
quam tota fuerit consumpta, corpus iterum  
incipit nutriri proprio sanguine à malè af-  
fectis visceribus assidue genito (namque si  
ædest in Transuso sanguine melior conditio,  
quam in proprio consistat, certè illum prius  
ad se partes alliciunt, deteriorem respuen-  
tes) qui iuuamen à priori sanguine allatum  
disperdet, quare vel erit repetenda Trans-  
fusio singulis ferè diebus, vt semper optimi  
sanguinis copia existat in corpore, qua inde-  
ficien-

ficienter partes reſtaurentur , vel conſque ſaltem erit facienda , quouſque viſcera principalia naturalem ſtatum reſumant ; vt poſſint illa etiam ex ſe probum ſanguinem ad corporis nutritionem conficere, at hoc quam difficiliter aſſequi poſſit , infra oſtendemus : Certum tamen eſt Transfuſiones tot vicibus repetitas cum ſæpius agitent , & affligant languidos ægrotantes , non ſine magno periculo poſſe celebrari , adeò vt iuuamen ſimul cum periculo augeatur , & ſic potius damni ſpeciem habeat , quam utilitatis .

Sed iam à ſuperioribus aſſertis recedere nos facit ratio validior . Conceſſimus ſupra, transfuſum ſanguinem illicò ac recipitur, aliqualem communicare partibus refectionem, eumque ab ipsis tanquam meliorem attrahi celeriter ; nunc verò id quoque reſtringendum videtur , quandoquidem ratio adest non levis , probans eum ſanguinem ſtatim ac corpus ingreditur , ſuam puritatem perdere , & conſequenter , quantumvis celeriter , nihil tamen utiliter refectioni corporis inferuire . Quandoquidem cum malè affectum Hepar & reliqua viſcera, peruadere debeat, & per ea vaſa excurrere, quæ malum ſanguinẽ ſolita erant continere , iſdem inquinabitur vitijs quibus ille ſanguis prior erat conſpuit-  
E catus,

catus, & inde ad partes nutriendas perueniens, idem prorsus illis præstabit alimentum, quod à proprio sanguine solitæ erant recipere: probatur hoc quoad viscera principalia, namque si illa vim habent, ut sanguinem, quem gignunt, vel aliunde recipiunt, ideò prauum faciant, quia propriæ intemperiei illi noxas communicant; cur sanguini huic ad illa similiter aduenienti easdem non infligent corruptelas? Hepar in nouatorum sententiâ non gignit sanguinem, sed solum eum ibi delatum à bile segregat, & morbi ab Hepate prouenientes hæc solum de causâ fiunt; at sanguis Transfusus eodem modo procul dubio ad ipsum demandatur, ergo si Hepar erit vitiatû, nec eum probè separabit, & propriâ intemperie vitiabit, prorsus ac proprii corporis sanguinem conspurcabit.

Probatur deinde hoc quo ad vasa differentia similitudine vasis in quo acetum, vel aliûs færens liquor fuerit asseruatus (quæ si similitudo comuniter affertur) in tali namque vase si vinum infundatur, aceti, vel prioris liquoris qualitates accipiet, eo quia vas taliter infectum quidquid in se recipit, simili afficit inquinamento; ita si in venis, quæ corruptum, & excrementitium sanguinem solitæ erant assiduè continere bonus sanguis in.

infundatur, prioris fœditatem, & vitia suscipiet ratione venarum ipsarum iam infectarum. Quod autem possit venis imprimi qualitas sanguinis, qui intra ipsas excurrit, negant Transfusores; at facile potest probari, quia si actuali feruescentiâ sanguis exardescat, eam certè per assiduum contactum, venis ipsis communicabit, si alicuius humoris excessum habeat, putabilis, aut melancoliæ, de illorum quoque intemperie venæ participabunt; si cruditatibus, & alijs etherogeneis rebus sanguis inficiatur, earum quoque portio adherebit venarum tunicis: si tandem deleteriâ qualitate sit sanguis imbutus, tale quoque contagium venæ ipsæ non fugient: certè si lignum, vel alia inanimata res per aliquod tempus ex contactu alicuius rei facile, & firmiter in se illius qualitates suscipit, non video cur venæ, quæ aliquam actionem, magis quam lignum, possunt circa hoc exercere, non retineant in se qualitates aliquas illius sanguinis, qui aliquo modo licet malus, est illis familiaris, & assiduè circa illas versatur.

Nec hoc probat quod neque ipsis medicamentis, aut alimentis vis vlla adsit ad morbos profigandos siquidem periculum est, ne illorum succi statim ac cum humoribus corporis inquinatis miscentur, vel in vias ab il-

lis infectas sese insinuant , malis etiam inficiantur conditionibus . Etenim sicut vinum , quod infunditur in vas in quo acetum , vel male odoratum vinum prius permanferat , tales statim recipit qualitates ; ita illas non recipit , si decoctio aliqua , quæ à peritis solet in his casibus fieri ad prauas has qualitates tollendas , prius illi vasi imponatur , quia illa decoctio secum habet qualitates contrarias talibus vitijs , & eas magnopere illis superiores , vnde nihil pati potest , sed solum contrarium superare : non sic vinum , quod licet priuatiuè aceto , & corrupto vino fit melior , hoc est , non habeat actualiter ea vitia , quæ ipsa habent ; non est melior positiuè , quia non habet aliquid quod resistere prædictis vitijs possit , & illa superare , sed potius habet aptitudinem ad hoc vt in illa degeneret , & præsentis contagio faciliter possit infici . Pariratione idem fit intra corpus : alimenta , & medicamenta vim habent contrariam morbosis qualitatibus , quæ existunt in corpore , vnde non solum illarum infectione non tanguntur , sed eis resistunt , illasque superant ; at sanguis , licet adhuc non sit morbosus , & putridus , tamen aptus est talia vitia suscipere , & eò magis , si putridi sanguinis habeat miscelam , aut intra infecti vasis-

vasis ambitum semper excurrat.

Neque persistendo in vini similitudine possunt dicere Transfusores, quod sicuti vinum austerum, aut debile potest dulcioris, & validioris miscelâ corrigi, sic pariter, vel nimis calidus, vel corruptus sanguis potest infusione sanguinis temperationis, & purioris æquè bene mutari. Respondetur enim, quod vel supponitur, talem intra venas, & viscera malè affecta decurrere, & sic quantum vis purus affundatur sanguis, nunquam mutabitur in melius, nisi prius talis à visceribus, & vasis tollatur malitia, sicut de vino fit, quod nisi ab infecto vase extrahatur, nullam potest recipere bonam conditionem. Vel supponitur talem sanguinem per viscera & vasâ optimè constituta permeare at etiam in tali casu irrita fieret miscela, cum sanguis corruptus in maiori quantitate, & viribus existens, possit potius bonum inficere, quam in bonum commutari, sicut probauimus in prima Sectione Cap. 4. Sed tædet iam amplius inter vina versari, nobiliora nunc resumamus argumenta, & medico magis congenca.

## CAPVT IV.

*Nullis morbis utilem esse Transfusionem particulariter demonstratur.*

**S**Anis profectò corporibus Transfusio non conuenit, sed morboſis, ijsque præſertim, in quibus ob morbi contumaciam omnia præſidia, quæ medicina ſuppeditat prorsus irritè ſunt experta, quibus certè nullam afferre poteſt utilitatem, cum vires amplius in illis non adſint ad talem operationem ferendam, & ab ex inanito calore, ſpiritibusque iam fatiſcentibus, vlla amplius admitti in corpore reſtauratio non poſſit. Verum cum non ſolum antiquatis ægri- tudinibus, ſed etiam recentioribus, & acutioribus nonnunquam adhibeatur, non erit abſre ſingillatim præcipuos morbos recensere, ac rationes, quibus illis congrua videri poſſet Transfusio, refellere, vt ſic illa magis è propinquo, & conſequenter fortius vulne- retur.

Intem-  
peries  
cum ma-  
teria.

Ac primò agendum generaliter eſſet de ſingulis intemperiebus cum materia, vel ſine materia, quas poſſet corrigere ſanguis tranſ-

transfusus; sed sicuti conceditur calidum sanguinem v. g. vel frigidum, de sui natura intemperiem calidam emendare posse, vel frigidos humores excalefacere, ita negatur id assequi posse per Transfusionem, ob rationes pluries, & diffusè superius allatas, nempè quia spiritus viuidiores amittit, quibus possit rectè partibus vniri, illasque à contractà intemperie remouere: quia concitatiōi, & violento motu ad illas pertingit, ex quo non valet perfectam facere mixtionem cum humoribus corrigendis; & quia demum potius à vitiatis humoribus coinquinatur, quam possit illos ipse corrigere, quare hic eadem repetere, superuacaneum prorsus foret: præterquam quod cum quælibet intemperies per aliquod symptoma, aut morbum sese manifestet, magis congruum visum est de illorum præcipuis singillatim hic mentionem facere, cum sic de ipsis etiam intemperiebus necessariò fiat sermo.

Et vt consueto ordine in hac enumeratione morborum progrediatur, à morbis capitis ducendum erit exordium, inter quos præcipui seligentur, ac maiori, quam possibile erit breuitate percurrentur. Occurrit primò Phrenitis, cui forsàn Transfu-

E 4

sio

Phreni-  
tis.



sio succurrere videretur, detrahendo feruentem sanguinem, qui in caput affluxit, & loco illius nouum, & temperatiorem immittendo. At sanguis transfusus cum sit arterialis, & cum partes biliosas etiam secum necessario retineat cum calore & subtilitate, non potest leuamen cerebro inflammato largiri; requiritur maior frigiditas ad talem aestum temperandum, non solum potentialis, sed quandoque actualis, (licet moderatior) ergo nisi piscium sanguinem infundant, nescio quisnam ad hoc possit esse utilis. Insuper cum sanguis nouus à capite excalesceto plurimum possit attrahi, & ab inferioribus partibus illo repletis etiam communicari, contraria profectò videtur eius immisso, cum Phrenitis non solum euacuationem sanguinis à capite requirat, sed omnem præcautionem exposcat, ne illuc ab aliquâ parte perueniat; at cum impossibile ferè sit Phreniticos ad opus Transfusionis adaptare, superuacaneum est circa illam amplius immorari.

### Vertigo

Sennert.  
lib. I.  
pract. p.  
2. cap. 4.

Similiter loquendum est de Vertigine, quæ cum ab agitatione spirituum animalium in cerebro oriatur, horum autem agitatio peculiariter dependeat *ab inordinatâ motione spiritus flatuosi per venas, & potissimè*

*tiſſimum per arterias in caput effuſi*, vt ait Sennertus, creſcet certe talis agitatio, & flatuoſi ſpiritus cum ſanguine motus in ipſo egredientis, & ingredientis ſanguinis confluxu, idque præſertim eueniet ſi ſupponatur circulatio; ſient namque in tali ſanguinum motu circulationes celeriores, vnde maior fiet etiam ſpirituum agitatio.

Verius Melancolia, & Mania conferre poſſe Transfuſionem videbitur, cum vtraque præſertim à vitioſo ſanguine in corpore exiſtente, & ad caput confluente dependeat, & in Transfuſione is euacuetur, ac in eius locum alius ponatur, qui minus craſſus ſit, & minus furens, adeò vt ſpiritus gignat, vel minus feruidos, vel minus tenebricoſos, ex quibus hæ affectiones excitari non poſſint. Verùm quoad Maniam eadem prorsus valent rationes, quæ circa Phrenitidem adductæ fuerunt, & hic reperendæ non ſunt. Quoad Melancoliam verò dicendum eſt; quod quamuis concedi poſſet quod ſanguis immitteretur purior, qui poſſet in poſterum ſpirituum puriorum eleuatione cerebri umbras, & caliginem remouere (quod tamen difficile eſt, cum tales ſpiritus obſcurari citò poſſint à Melancolicâ, & vitioſâ cerebri conſtitutione) attamen tum in ipſo actu

Mania.

Melan-  
colia.

actu Transfusionis magna noxa infligeretur, tum postea nulla considerabilis sequeretur utilitas : probatur prima pars , quia Melancolici leniter sunt tractandi , ut ait Hippocrates ; ac maximè concutitur , & agitur corpus dum sanguis ingreditur , & exit , multæque possunt intra cerebrum inde fieri confusiones spirituum , quæ imaginationem magis confundere valent , & præsentia deliramenta adaugere ; nec non potest in ipsâ sanguinum commotione aliquis vapor à Melancolico sanguine ad vitales partes impetu ferri , & syncopem efficere , qua frequenter melancolici tentari solent non sine leui periculo . Multò magis potest Melancolicis hæc operatio esse noxia , cum eorum deliria ut plurimum intra mortis pericula , & terrores versentur sequè vel supplicio damnandos , vel violento casu , aut vulnere ob insidias , & odia perituros opinentur ; ergò difficilimè , vel saltem non sine magnâ terroris inuasionem sese subijcient Transfusioni , dum se ligatos , vulneratosque aspicient , ac bruti quæque carnificinam ante oculos habebunt , vnde non nisi nouum mortis genus sibi paratum iudicabunt ; at Melancolicis , non solum rerum tristium aspectus , sed vel brevis de infaustâ re sermo non conuenit.

Post

Post Transfusionem autem nec utilitas posset subsequi; quandoquidem in Melancolicis non adest solum vel sanguis; vel spirituum intemperies, & opacitas, sed maligna quædam qualitas; ut vult Platerus, seu ut explicat Sennertus; *occulta dispositio; quod ex eo patet; quod si imaginationi eorum satisfiat, sanitati restituntur*, sicut pluribus accidit, qui non ex alia causa sanati sunt, quam ubi viderunt propriam imaginationem adimpletam, cuius rei exempla multa sunt apud Auctores; ita Alexander Trallianus refert Melancolicæ puellæ non aliter imaginationem de serpente intra eius corpus incluso, tolli potuisse quam indito clam in vase serpente, in quo illa vomitorium medicamentum reddebat, credens se unâ cum alijs humoribus illum eiecisse vi illius medicamenti. Patet ergo Transfusum sanguinem non posse radiciter Melancoliam tollere, quamvis aliunde posset humores, & spiritus temperare, quod cum æquè bene, imò melius possint cætera medicamenta præstare, in leuibus Melancolijs frustra adhibetur Transfusio, & cum in contumacibus, ut dictum est, talis temperatio non sufficiat, superuacua neum itidem est eandem adhibere.

Sennerti  
lib. 1.  
pract.  
p. 2. c. 8.

Alex.  
Trall.  
l. 1. c. 174

Post.

Postquam hæc jam diù exarata fuerant ,  
Romam appulit Epistola quædam ex Gal-  
lijs , qua narratur Maniacum quendam ,  
beneficio Transfusionis curatum fuisse : hæc  
Epistola indubitatam meretur fidem , tum  
ob Gallici scriptoris auctoritatem , tum ob  
ingenuitatem eruditissimorum Virorum ,  
qui eam Typis comiserunt , reticere tamen  
non possum quid de tali curatione sentiam ,  
ac primò mihi videtur valdè difficilè quod  
vitulinus sanguis in illum transfusus , vt as-  
feritur , præ sui crassitie potuerit ægroti  
sanguinem temperare , ac incrassare , quia  
talis sanguis erat arterialis , & consequen-  
ter non poterat habere tantam partium  
crassitiem , nec adeò temperatus poterat  
esse , etenim feruorem & calorem ingentem  
excitauit in corpore statim ac ingressus fuit.  
Secundò , probabiliter censerì potest hunc  
Maniacum non esse perfectè curatum , siqui-  
dem ille per interualla tantum solitus est  
hac affectione detineri , cur ergò fieri non  
potest vt sanus ideò sit factus , quia comple-  
tum est tempus talis inuasionis cum peri-  
culo tamen ne iterùm reuertatur . Tertiò ,  
potest rationabiliter dici , quod etiam si to-  
taliter , & perfectè sit curatus , non tamen  
id propriè , & directè factum fuerit à Trans-  
fusione ,



frigiditas humorum somnum præternaturam valet inducere, cum frigida quandoque humorum colluies caput repleat absque ullâ somni agitatione, nec non multæ res calidæ ac humores feruentes plerumque suis euaporationibus somnum morbosum gignant, sed requiritur in humoribus qualitas quædam narcotica, qua spiritus animales deuinciantur; hæc autem qualitas ad caput eleuatur, vel à febribus malignis, vel ab ebrietate, & crapulâ, vel à deleterijs rebus, vnde nisi sanguis secum ferat aliquas qualitates, quæ directè possint hisce causis resistere, nullum præstabit effectum, cum non sufficiat quod sit purior, & calidior, sed requiratur, vt vel alexipharmacam virtutem ultra has qualitates secum habeat, vel aliundè tales causæ remoueantur vi aliorum medicamentorum. Quinimò potius periculum est ne suis calidis euaporationibus iste sanguis caput magis repleat, & somno reddat paratius. Specialiter autem in Lethargo non confert, in quo infarcitur pituita cerebrum, sed febris etiam adiungitur, ob talis pituitæ putrescentiam, &, vt aliqui sentiunt, ob eandem ibi in apostema collectam, igitur si sanguis transfusus hunc morbum curaturus, dum ad cerebrum per-

tingit,

Lethargus.

tingit, frigidi sit temperamenti, non dissoluet certè pituitæ congeriem; sin calidus sit, eiusdem putrescentiam adiuuabit, & ad apostema magis disponet cum febris augmento; quare qualiscumque is accedat, morbosam causam non tollet.

Quoad experientiam allatam de iuuen-  
stupido, & somnicioso, tali sanguinis immis-  
sione sanato, aduertendum est, quod, vt  
narratur, missus illi fuit ante Transfusionem  
sanguis crassus, & nigerrimus: at talis sangui-  
nis nigredo non ab eius frigiditate prouenie-  
bat (cum supponi non possit in sanguine intra  
corpus existente tanta caloris dissipatio, quæ  
nigredinè efficiat, prout euenit cæteris mem-  
bris cum sphacelantur) sed vel à mixtione me-  
lancolici humoris, vel ab eiusdè sanguinis adu-  
sione, vel ab affluentia fuliginum; ergò non  
ob caloris inopiam in sanguine impedièbatur  
animalium spirituum generatio, & actiuitas  
in tali casu, & si sanguis transfusus immix-  
tus rectè fuisset cum tali sanguine, eumque  
fermentasset (vt Transfusores aiunt) potius  
comatosos affectus confirmasset, aut alia  
incommoda peperisset; vel enim talis san-  
guis melancolià redundabat, & sic tetri va-  
pores ad cerebrum ascendissent, vel nimium  
adustus erat, & sic per alterius sanguinis  
ingres-



ingressum & commotionem, euaporationes calidæ magis caput infestauissent. Dicendum ergò erit illas affectiones factas fuisse, ab ipsa naturâ potius ad bonum ipsius indiuidui, quam ad detrimentum, nempe cum à vehementiori & diuturno morbo, ac immodicâ sanguinis missione spiritibus, & calore plurimum depauperatum fuisset corpus, Natura prouida, vt indiuidui reparationem moliretur; non solum illud optimis cibis restaurari voluit, sed etiam ab omnibus internis operationibus maiori ex parte feriari, in quibus meliorum spirituum fit maxima dissipatio, vndè etiam somnum induxit, in quo reuocato ad intra calore, non fieret eius dissipatio, sed deperditi reparatione: sic passim videmus cæteros ægros post grauem morbum fatuos, immemores, & somniculosos diù permanere. Restaurabantur igitur in tali ægrotante spiritus, & internarum potentiarum vigor sensim reuiuiscerebat, licet exterius non appareret; sanguis verò transfusus, si aliquid in tali casu operatus est, nil aliud certè fecit, quam proprio calore, ac vi, qua ingrediebatur, confertim spiritus, qui paulatim distribuebantur ad organa potentiarum impellere, & ibi violenter operationes excitare, eo prorsus modo,

dô, quo operantur cætera medicamenta, quæ ad id adhibentur, quæ nihil aliud faciunt, quam dispersos spiritus in vnum colligere, & eos sic commotos simul omnes in sopitam partem impellere. Hinc suspicari licet, quod ob talem violentiam naturæ gradatim operanti, illatam quamvis præsentanea vtilitas sit subsequuta, ea, vel parum durabilis fuerit, vel aliquod aliud incommodum inde corpori addiderit.

Multò minus Apoplexiæ, aut Paralyfi conferet hoc remedium, cum nec vim habeat ad aperiendas neruorum obstructions, vt pateat animalibus spiritibus, ad illos aditus; nec possit oclusos in Apoplexiâ cerebri ventriculos aperire, ac adhescentem in illis pituitam illicò fundere, vel dissipare, præsertim cum morbus tam præceps tale auxilium ferre non possit, in quo vires oppressæ magis concidunt, & plurimum à sanguinis intra cor agitatione vitalis facultas, & respiratio possint periclitari, sed de hac iterum inferius fiet sermo.

Conuulsio vel à repletionem fit, vel ab inanitione: illi, quæ à repletionem prouenit; non aptatur certè Transfusio; illi verò, quæ immodicam corporis inanitionem subsequitur, videri posset commodè succurrendum.

Apople.  
xia.

Paralifis

Con-  
uulsio.

F

esse

Sennert.  
lib. 1.  
pract.  
p. 2. c. 28

Riuer.  
lib. 1.  
pract. c.  
6.

Epile-  
psia.

esse transfuso sanguine. Sed aduertendum est cum doctissimo Sennerto, conuulsionem non à solà inanitione fieri, sed interueniente etiam aliqua neruofarum partium vellicatione ab exiccante causâ progenitâ; nec item quamcumque exiccationem posse conuulsionem facere, vt notat Riuerius, sed eam tantum exiccationem, quæ confertim, & inæqualiter fit: igitur cum Transfusio sanguinem in conuulsum corpus confertim, ac impetu quodam immittat, non rectam potest imprimere in illo humectationem, ad hoc enim vt in conuulsarum partium substantiam sese insinuet humiditas, paulatim illis apponi debet, non violenter, cum præterea tali pacto totus sanguis irruens, cum sit calidus, & valdè subtilis, vellicationem cum humectatione possit inducere; quæ præcipuus est fomes conuulsionis.

Epilepsia similiter, cum fiat ab aurâ quadam maligna, vel in ipso cerebro, genitâ, vel ab aliqua parte ad illud eleuatâ, & non in sanguine consistat, sed in talibus partibus peculiari modo generetur, (sicuti narratur de ea Epilepsia, in qua ab imò pedes vapor malignus deferebatur ad cerebrum) certè non tolletur nouâ sanguinis immisione, sed potius medicamento, quod vim ha-

beat

beat specialiter ad malignitatem illius vaporis, & materiæ, à qua eleuatur, disperdendam, quam sanè virtutem alexipharmacam non ita manifestè sanguis habet, vnde potus humani sanguinis à jugulo recenter mactati hominis extracti, qui ad Epilepticos utilis censebatur, referentibus Plinio, & Cornelio Celso, non solum ab iisdem superstitiosum, & execrandum remedium existimatus fuit, sed à Sennerto prorsus inutilis fuit declaratus, quinimò, & perniciosus; similiter ergò sanguis transfusus impotens ad Epilepsiam tollendam erit censendus.

Plin. l.  
28. c. 1.  
C. Celsus  
l. 3. c. 23.  
Sennert.  
l. 1. pr.  
p. 2. c. 32  
quærit. 15

Dolores capitis nec etiam Transfusionem curantur, quod ex jam dictis colligi potest, & præcipuè cum sanguis ingrediens, suis vaporibus, ac subtilitate, qua præditus est, si ad caput trahatur, ibi commotionem, & continui solutionem necessario excitet, ex quibus magis debilitatur caput, & dolori fit magis obnoxium.

Dolor  
Capitis.

Enumeratis capitis affectionibus, de morbis thoracis erit sermo faciendus, ac primo, quod spectat ad Anginam, Pleuritidem, & Pulmoniam, hæ omnes sunt partium inflammationes, grauibz symptomatibus vt plurimum stipatæ, & celeri gradu progredien-

Angina  
Pleuritis.

Pulmo-  
nia.

dierites, quibus non alio modo potest iuvari  
transfusio, nisi temperatiorem sanguinem,  
ad ea partes afferendo, sed, ut dictum est  
de Phrenitide, hoc fieri non potest, cum  
longè maior frigiditas requiratur ad æstum  
inflammationis sedandum, quam quæ in  
sanguine arteriali cuiusvis animantis reperiri  
possit; & præterea morbi acuties, &  
ægrorum languor istam commotionem im-  
punè ferre non possint. Dubitari solum  
posset de Pulmonia, cum pulmo à frigore  
lædatur, & sanguine arteriali nutriatur, &  
ideò ille nullam læsionem sentiret ab immis-  
so sanguine calido, & arteriali. Sed licet  
hoc admittatur, tamen eò quia sanguis  
transfusus illico cor ingreditur, ac statim in  
pulmonem effunditur, nimia copià eum jam  
inflammatum grauare potest, ac impetu,  
quo fertur, & commotione, quam excitat  
potest insuper à reliquis partibus humores  
ad ipsum pulmonem ferre, & augere causam  
inflammationis; quandoquidem videmus  
aerem frigidorem solà caloris ad intra re-  
tractione pluries excitare Pulmoniam; ergò  
quanto magis id præstabit vehemens san-  
guinis motus intra ipsum pulmonem, & par-  
tes illi proximas excitatus?

Hæmo-  
phth' alis.

Hæmophthisi, omnibusque hæmorrhagijs  
ad

ad nihil aliud valet Transfusio, quam ad suppeditandam assiduè morbi materiem, apertæ namque sunt venæ, immittitur intra ipsas sanguis actu subtilis, & calidus, vnde quaque per illas fertur, ac tumultuariè quasi ab ipsis excipitur, quid ergo aliud expectandum erit, nisi vt per vias iam dilatatas exitum sibi facillimè paret? Quod si adhibeatur Transfusio ad reficiendum corpus à violentà aliquà hemorrhagià sanguine destitutum neque hoc fœliciter eueniet, cum possit nouus iste sanguis, eo quod tenuis sit, & violentus, faciliè disruptas, seu rarefactas venarum tunicas penetrare, & potius ad egressum tendere, quam ad corporis refectiōem, quam insuper ex se prestare non potest, cum ad restaurandum corpus debilitatum, & spiritibus exhaustum, non requiratur alimentum, quod violenter in partes impingat, & faciliè præterfluat, sed aliquid, quod paulatim apponatur, & firmiter adhereat, cum retentrix facultas corporis ab emissionē spirituum sit valde imminuta: quapropter comuniter in praxi emplastica medicamenta, & edulia in his casibus offeruntur, at Transfusus sanguis non est talis conditionis, nec paulatim peruenit ad partes reficiendas: ergo inutiliter adhibetur

tum ad refectionem corporis, tum ad consolidationē venarum, & sanguinis correctionem;

**Phthisis**

Ad Phthysim non conferet Transfusio, nisi ipsi vlceri in pulmone existenti medeat, à quo omnia dependent incomoda, sed cum illud curare sit difficillimum, presertim si confirmatum aliquatenus sit, & sordidum, ideo patet cuique, Transfusionis cum hoc morbo inconuenientia.

**Asthma.**

Asthma, vel in ipso paroxismo consideratur vel extra paroxysmum; in accessione certè non requirit Transfusionem; extra accessionem posset illam requirere ad preservationē, maximè si admittatur opinio Sennerti statuentis Asthma prouenire ab humoribus serosis intra venas collectis, & per venam arteriosam in pulmonem effusis sed tales serosi humores cum ab Epate non rectè sanguificante fiant, & Transfusio non possit hæmatosis vitia corrigere, vt infra probabitur, procul dubio, irrita ipsa erit ad talem præseruationem.

Sennert.  
lib. 2.  
pract. p.  
3. c. 2. q.  
2.

**Syncope**

Syncope fit à spirituum vitalium defectu, hi verò spiritus vel deficiunt quia disperduntur, vel quia obruuntur. disperduntur in nimia aliqua euacuatione, obruuntur à vehemēti sanguinis, & spirituum ad cor affluxu in Transfusionē autem vehementer arteria-

lis

lis sanguis in cor irrumpit, ergo spiritus in eo obruet, & Syncopem efficiet, non auferet.

Restant breuiter enumerandi morbi, qui infimum ventrem infestant, inter quos primò occurrunt ventriculi affectiones, quibus vel cibos non concoquit, vel ingestos non retinet, vel dolores ingentes ab eis assumptis patitur; sed ad has omnes curandas requiritur aliquid, quod vel obstructions tollat, vel immediatè ipsi ventriculo, calorem adaugeat, vndè magis conferunt medicamenta calida per os assumpta, seù exterius illi apposita, quam sanguis intra venas infusus, qui non adeò præsentaneum potest afferre remedium.

Morbi  
ventri-  
culi.

Sic intestinorum morbos nec ipsa curabit, quippe cum diarrhœa vel à cruditatibus fiat vel ab humoris alicuius excessu, cum Transfusio ventriculi coctiones vitiatas corrigere non possit, à quibus harum rerum generatio dependet, nec illas jam genitas euacuare possit, infructuose ad eam administratur.

Diarrhœa.

Dysenteria partis vlceraatæ medelam poscit, at Transfusio non adeò proximè alluit intestina, prout requireretur, nec vlcus arterioso sanguine lenitur, sed potius medicamentis refrigerantibus, & humoris acrimoniam re-

Dysenteria.



Colica

Volu-  
lus.Inflam-  
matio  
Epatis.Obstru-  
ctio E-  
patis.

tudentibus. Similiter dolores colici, & Iliaci actualiter imposita intestinis ipsis remedia præcipuè requirunt, non longissimo tractu per venas aduenientem sanguinem ad sui leuamen expectant, & cum sapius ijs co-  
puletur inflammatio ab accedente sanguine, non auxilium sperant, sed detrimentum.

Sed examinandum nunc est an Epati vel obstructo, vel inflammato, vel non sangui-  
ficanti, Transfusio opituletur, cum ex hoc multorum, & penè omnium morborum cu-  
rationes dependeant; & quoad inflamma-  
tionem, jam cum de phrenitide, & pleuri-  
tide fieret sermo, dictum fuit sanguinem  
arterialem impetuosè ingredientem non pos-  
se inflammationem lenire sed augere nam li-  
cet spiritus puriores, & nutritioni aptos in  
Transfusione ab vno ad aliud indiuiduum  
amittat, retinet tamen calorem, quo procul  
dubio est valde saturatus, at pro sedandis in-  
flammationibus non additur, sed detrahitur  
parti affectæ humor, & si quis additur, is  
non solum potentialiter frigidus debet esse,  
sed etiam actualiter sicut praxis non docet  
quotidie.

Quoad obstructions, & prouenientia ab  
ipsis hæmatosis vitia, & totius parenchy-  
matis æmetriam, dicendum est, quod si ex  
adeo

adeò excreuerint , vt visceris tonum inu-  
tere potuerint , & inde deprauata sit sangui-  
nis elaboratio , quantumuis sanguis calidus  
subtilis , ac purissimus immittatur , nun-  
quam poterit in pristinum reduci , nec suas  
operationes ritè peragere nisi forsan aliud  
Epar de nouo ponatur in corpore , quod certè  
per Transfusionem assequi non potest .

Etenim quæ sanguinis affusio sufficiet ad  
restituendum , scirrhuso epati tonum , vel ad  
idem refouendum quando maximè refrigera-  
tum est , & jam consuevit serofas colluuias  
gignere , & Hydropem excitare ? vel dum  
excrementitios succos ad corporis nutritio-  
nem suppeditare non cessat , vndè cachectica  
fiunt corpora , & nutrientis succi conditio-  
nem ipso referunt in colore ? Quibus etiam  
morbis non solum hac de causa non succur-  
rit Transfusio , nempe quia tollere non potest  
perennem causæ morbificæ generationem ,  
sed etiam quia , vt diximus , vel in Trans-  
fusionem sanguis amittit spiritus illos nutri-  
tioni præcipuè inseruiantes , vel si non amit-  
tit , fertur tamen ad partes nimis vehementi  
attractione , & non potest illis rectè apponi ,  
ac earum substantiam reficere . Quæ de E-  
pate dicta sunt , proportionaliter de Lienis  
affectionibus dici possunt , & de Morbo Hy-  
pocon-

Hydro-  
ps .

Morbus  
Hypo-  
condri-  
acus .

pocondriaco , cui alia quoque de causâ repugnare posset Transfusio , eâ nempe , quâ Melancolicis non conuenire dictum est, ob agitationem , quam intra corpus facit , & ob caloris commotionem , quâ in hypocondriacis dum agitur , noxios valde parit effectus ,

Restarent plures alij morbi enumerandi , sed vel ad illos nullo modo adhiberi potest Transfusio , vel rationibus supradictis quisque arguere potest eam ipsis non esse salutarem , aliqui tantum erunt examinandi in sequenti capite , qui particularem merentur animaduersionem .

## C A P V T V.

*Sequitur enumeratio reliquorum morborum, quibus Transfusio non conuenit .*

Febris e.  
phemera.  
ra .

**F**ebrium importunos calores si Transfusio posset extinguere ; oportuna sanè , ac vtilissima censeretur, quod vt exactè dignosci possit , febrium est facienda diuisio , ac in singulis earum speciebus videndum est, an ijs aptari possit Transfusio . Febres itaque comuniter diuiduntur in Ephemerâs , Putridas,

das, & Hecticas. Ephemerarum non est hic facienda mentio, cum nullam sanguinis infusionem exposcant, sed solummodò excalesfacti emissionem, qua febres istæ de sui naturâ breues, citius iugulantur.

Putridis febribus conuenire posset Transfusio, expellendo scilicet à venis putridos humores, & loco illorum bonum sanguinem reponendo, & sic omnem febris causam auferendo, si enim prodest in talibus febribus Phlebotomia, eò quia sanguinem putrescentem, & excalesfactum euacuat, multò magis proderit ipsa Transfusio, per quam non solum peccans sanguis euacuatur, sed insuper loco illius tantundem boni reponitur.

Putrida.

Attamen febriles flammæ magis potest augere, & putrescentium humorum insultus fouere Transfusio. Quinque statuit Galenus causas febrium, morum, putrefactionem, contactum rei calidæ, eiusdem admixtionem, & impeditam fuliginum euaporationem per poros cutis obstructos, quarum causarum vnaquæque singillatim valet febres, præsertim putridas, excitare; si ergo probabitur, per sanguinis Transfusionem aliquam ex his causis in corpore jam febricitante adaugeri, manifestum quoque erit, Transfusio.

Galenus  
de caus.  
morb. c.  
2.  
Lib. p. de  
diff. febr.  
cap. 3.

Transfusionem non curare febres putridas , sed fouere . Et primò quod attinet ad motum , is certè per Transfusionem intra corpus excitatur , cum , vt pluries diximus , commoueatur tota sanguinis massa , & omnes spiritus agitentur , motis autem , & in partes copiosius concitatis , ac collectis spiritibus cum sanguine , corpori calor intensior ab eorum concursu comunicatur , & à tali calore febris potest accendi Secundò potest à Transfusionem putredo , si non fieri , atamen jam facta augeri , vel conseruari , cum humoribus jam putrescentibus immisceatur sanguis alterius indiuidui , qui , vt suprà annuimus , cum in minori copià infundatur , quam sit sanguis , qui jam putruebat in corpore , facile illius inquinatur putredine , & maximè cum secum afferat nouum calorem , qui putridas exhalationes magis eleuare valet , & illis febrem accendere . Tertiò contactus rei calidæ , & eiusdem permixtio intra corpus , exactè experitur per Transfusionem : si enim calidorum balneorum affusio , si diutina sub sole mora , si calidæ res corpori exterius applicitæ per venas & arterias cordi calorem comunicant , & febrem accendunt , id multò magis euenit in Transfusionem , in qua non extrinsecus caliditas

liditas corpori aduenit, ſed intra ipſas venas  
 infunditur calidus ſanguis, qui vehementer  
 intra cor ipſum impellitur, vnde multò ma-  
 iorem calorem & vehementiorem febrem  
 valet excitare: & pari ratione ſi permixtæ  
 cum ſanguine res calidæ velut cibi calidio-  
 res, medicamenta calida, aer feruidus, fe-  
 brium ſunt cauſæ, & tamen non illicò mi-  
 ſcentur ſanguini, ſed prius diuerſis in locis  
 præparantur, in quibus propriæ efferueſcen-  
 tiæ non nihil amittunt, procul dubio id mul-  
 tò magis eueniet ex permixtione ſanguinis  
 arterialis, qui ſtatim cætero ſanguini immi-  
 ſcetur, nec pacatè illi aſſociatur, ſed con-  
 citato motu illum inuadit. Vltimò reſtat  
 examinandum an Transfuſio poſſit impedire  
 fuliginum euaporationes, & ſic febrem cau-  
 ſare, quod valde dubium videtur, cum  
 ratione caloris, & motus, potius valeat  
 contrarium efficere. Repetendum igitur eſt  
 quod in hac Sectione Cap. 2. diximus, ſci-  
 licet, quod ſi ſanguis transfuſus ad vltimas  
 corporis partes peruenit, debet neceſſariò  
 illuc attrahi violenter, & quod ſic attractus  
 non poteſt perfectè in carniſ ſubſtantiam  
 tranſire ſi autem hoc fit, cumulantur circa  
 corporis ambitum cruditates, & viſcidi ſuc-  
 ci, qui internarum fuliginum per cutis poros  
 exhala-

exhalationem cohibent, unde oriri potest febris; ergò patet quomodo Transfusio possit hac etiam de causâ febrium promouere calores.

Conuenientiam Transfusionis in febribus nituntur probare nonnulli, eò quia melior sit quam phlebotomia, quæ comuniter præstantissimum remedium censetur ad febres; etenim in phlebotomiâ simul cum corrupto sanguine bonus etiam educitur, & subtilior egreditur, remanente intus crassiori; at in Transfusionem non solum non egreditur bonus sanguis, sed alius insuper additur perfectior, & purior. At isti parum sollicitam de individui salute Naturam prædicant, quandoquidem ipsa, dumodò non sit prostrata, nititur quantum valet peiores partes sanguinis educere, retentis apud se melioribus, quod ex misso sanguine apparet, qui ferè semper corruptus cernitur: Et licet quod obijcitur, esset verum, dicant quæso isti, dum Transfusionem celebrant, nonne sanguinem etiam mittunt? ergo si per venæ foramen purior exit remanebit in corpore prauior, qui eò magis aduenienti sanguini resister, ac eum sua prauitate scædabit: similiter si subtilior exit, crassior intus remanebit, qui cum immisso nouo sanguine ad corporis ambitum

attra-

attractus, facilius præ sui crassitie poros infarci-  
et, & inhibebit transpirationem fuliginis, ex qua febris oritur, ut iam diximus.

Inter putridas febres considerandæ veniunt febres malignæ, quibus sicuti ad refocillandum cor à malignâ qualitate vexatum, calida, & alexipharmaca medicamenta profunt, multò magis prodesse poterit purus sanguis in ipsum met cor penetrans, illudque naturali calore reficiens. Non ideò tamen ipsis adhibenda videtur Transfusio tum ratione causæ morbificæ, tum ratione symptomatum; non quidem ratione causæ, quia *febris maligna non in simplici temperamenti immutatione consistit, aut vulgari putredine, qualis in cæteris putridis febribus reperitur, sed in totius naturæ, insiteque substantiæ destructione quemadmodum vinum dum in acetum convertitur omnimodam corruptionem patitur: (ita Riverius)* at Transfusus sanguis hanc substantiæ reparare non potest destructionem, nec huic deleteriæ qualitati resistere, cum nullam habeat alexipharmacâ virtutem, qua hæc qualitas oppugnetur, sed solum calorem, & meliorem substantiam, quibus non sufficienter tali malignitati resistitur, quinimo, ut alibi dictum est, ipse quoque deprauabitur dum

Febris  
Maligna

Riverius l. 17  
prax.  
sec. 3.  
cap. pr.

vene-



venenatis immiscetur humoribus; sicuti enim acetum, quod est vinum omnimodè corruptum, qualem cumque humorem suis inficit qualitatibus, sic maligni humores, qui à bonorum totali corruptione sunt geniti, infusum sanguinem, licet optimum, suam trahent in naturam quandoquidem si corpora his morbis detenta, non solum per halitum, sed per vestium contactum alios tali inficiunt contagio, non video cur infici non debeat sanguis qui malignæ causæ permiscetur intra infecti corporis penetralia. Ratione symptomatum, quibus comitantur malignæ febres, Transfusio non conuenit, cum ea sint grauissima, & vires sint maximè prostitutæ, & in ipsa plurimum agitetur corpus ac, intra ipsum cor maxima fiat confluentium sanguinum commotio. Quod de his febribus dictum est, proportionaliter dici potest de quibuscumque venenis intra corpus assumptis, vel ab aliquo animali illatis, sicut sunt morsus serpentum, & canis rabidi, quæ venena cum suis pessimis qualitatibus totam humorum massam corrumpant, non possunt à Transfusionē curationem recipere, cum à solo sanguine tolli non possit eorum prauitas sed potius possint ipsa aduenienti sanguini sua miasmata communicare; & hoc etiam asseren-

afferendum est de lue. venera, quæ non solâ intemperie, sed prauâ etiam qualitate vexat ægrotos.

De Hæcticis febribus nunc erit sermo faciendus, quarum curatio consistit in febris fixo, & contumaci calore sedando, ac partibus consumptis restaurandis; neutrum autem efficere potest Transfusio; non potest minuere calorem, siquidem, sicut loquendo de cæteris morbis calidis diximus, nullum leuamen excalefacto corpori potest asserre sanguis arterialis violenter illi adueniens, & sicuti si in excalefactum vas humer aliquis inijcitur, statim ipse quoque calefit, dumodo non sit adeo frigidus, vt possit vasis calorem extinguere ita prorsus, si in corpus fixo calore imbutum infundimus sanguinem non frigidum, sed actû valdè calidum, non extinguetur in corpore calor: sed potius sanguini communicabitur, vndè intemperies ipsa magis augebitur. Nec potest Transfusus sanguis partes consumptas restaurare, cum vt diximus, spiritus præcipuos nutritioni inseruientes in itinere amiserit; cum indèbito modo, & nimis violenter à partibus exugatur, vndè non potest firmiter illis assimilari; ac tandem cum calidus, & sub-

*Hæctica*

G

tis

tilis sit , pro tali autem restauratione requiratur alimentum tenax, crassum, ac temperatius .

Sene-  
tus.

Conuenit cum Hectica senectus , in qua ob natiui caloris dissolutionem , & humidif substantifici consumptionem corpus minuitur & contabescit ; huic autem , quamuis infusio vegeti sanguinis prodesse videatur , cum secum ferat noui caloris , & melioris humiditatis munera , non tamen vllum præstat auxilium , cum valeat senum calorem , penitus extinguere , non augere , namque , vt ait Galenus *ceû ventulo quodam excitari, accendique calor eorum desiderat , vehementiore autem motu deijcitur* , at in Transfusionem vehementer in eorum corpora sese sanguis insinuat , impetuosè accedit ad viscera , vndè senilis calor , non refectionem suscipere potest , sed maiorem dissipationem : Illorum præterea facultates sunt admodum debiles , quare licet sine proprii caloris detrimento nouum sanguinem reciperent , nec illum attrahere valerent ipsorum partes , nec concoquere viscera , nec diu retinere , aut sibi ipsis perfectè assimilare .

Galenus  
5. de san-  
nit. tu-  
enda c.  
3.

Ficinus  
lib. 2. de  
vita  
prod. c.  
11.

Obstat ijs, quæ diximus Marfilij Ficini remedium ad restaurandam senum conditionem , ille namque senio confectis suadet , vt  
more

more hirudinum , adolescentis bene temperati sanguinem sugant ex brachij sinistri venâ vix aperta, sicuti striges faciunt, sugendo infantium sanguinem , ut pro viribus iuvenescant. Sed paritas in casu nostro non valet, siquidem paulatim exugitur à languidis senum labris in illo casu sanguis , nec sicuti in Transfusione illicò per corporis penetralia totus discurrit velociter , & sic fatiscentem calorem non adeò commouere , nec dissipare valet ; ac cum sit sanguis sani adolescentis , propter naturæ congeneritatem plus potest vigoris infundere , quam brutalis , qui per Transfusionem immittitur : nec præterea ullum incommodum patiuntur senes in illa operatione , sicuti in Transfusionē sustinent, cum nec vulnerentur , nec ligentur , nec incommodè ullo modo detineantur ; ergo facilius senibus conferre posset Ficini remedium , quam recentiorum Transfusio .

Verum nec illud congruum censi debet ad senectutis leuamen , ( parcat doctissimi viri venerabilis fama ) quandoquidem debilis senum stomachus , qui facillimæ coctionis cibos vix potest digerere , multò minus concoquet crudum sanguinem , qui cum extra venarum ductus effundatur , posset etiam intra ventriculum coagulari , quam

Ficinus  
ibidem.

sanè coctionis difficultatem odoratus ipse  
Ficinus, subiungit: *Si crudus agrè con-*  
*coquitur, coquatur prius, unà cum saccaro,*  
*vel ad aquam calidam moderatè destillet sac-*  
*caro mixtus, & deinde bibatur,* sed cum  
sanguis proprijs spiritibus destitutus ad ni-  
hilum valeat, in ijs autem coctionibus om-  
nes hi euaporent, non tam præsentaneum  
auxilium certe poterit languentibus senibus  
comunicare: Sugitur insuper sanguis vena-  
lis, qui secundum dogmata circulationis est  
ille sanguis, qui à partium nutritione supera-  
bundauit, ac proinde consumptis melioribus  
partibus, iterum sese reducit ad cor, vt il-  
las denuò resumat; igitur non afferet senibus  
considerabilem refectionem caloris, cum  
ipse met illum iam amiserit, & cum crassus  
sit, & fœculentus. Nec valet tandem Saga-  
rum exemplum, quod affert Ficinus, dici  
enim potest, quod illæ non tam ad proprii  
indiuuidui refectionem infantium sanguinem  
exugant, quam ad explendam rabiem, &  
nocendi pruritum, quo in humanum genus  
feruntur, dum vt illud eradicent, tenella  
germina vix nata adoriuntur. & perdunt.  
At si ad propriam vigoris conseruationem  
id molirentur perditæ illæ mulierculæ, ac  
indè expetitur robur assequerentur, ratio-  
nabili-

riabiliter credi posset , illud fictitium esse ,  
 non verum, cum pessimus Dæmon illas delu-  
 dat, ac in omnibus apparenter ijs satisfaciat  
 vt sibi eas maiori deuinciat seruitute ; & si  
 quandoque verum robur ipsis augetetur ,  
 non tam naturaliter inditum ab illo sanguine  
 id esset , sed ab ipso Dæmone alijs modis il-  
 latum . Non ergo licet ex istis casibus argu-  
 mentari ad omnes , nec barbaras humani  
 sanguinis potiones , & dæmoniacis fami-  
 liares , in vsum comuniter vertere .

Non inde tamen superbiæ Transfusio , nec  
 proinde se vtilem prædicet , cum omnia in-  
 conuenientia prædictæ suctionis euitet, cum,  
 si ista non parit incomoda , alia tamen  
 secum afferat , quæ supra recensuimus , ex  
 quibus non minus inutilitatis , ac incomodi  
 persentitur . Liberè tamen inde suam iactet  
 antiquitatem à prædictâ sanguinis suctione  
 deriuantem , vtrò enim concedo , sed gra-  
 tulari non possum , cum Sagarum imitetur  
 exempla , & pro sui origine , barbarum hu-  
 mani sanguinis potum agnoscat . Quin imò  
 maiorem illi antiquitatem tribuo , cum vel  
 ab ipso Ouidio fuerit indicata ( sicut mihi  
 eruditissimus vir ostendit ) & quoquomodo  
 descripta , dum postquam narrauisset filias  
 Pelæ ad Medeam confugisse , vt suâ virtute

patrem senescentem ad juvenilem ætatem reduceret, introducit illam ad opus dispositam sic ipsas alloquentem.

Ouid. 7.  
meta-  
morph.

*Stringite ait ferrum, veteremque haurite cruorem.*

*Ut repleam vacuas juvenili sanguine venas.*

quibus verbis opus Transfusionis, eo modo, quo nunc fit explicatur; at pariter nullam famam inde adipiscitur, cum etiam in hoc casu declaretur valde crudelis operatio quæ Medæ crudeli scemine adscribi debeat, quæ tamen in crudeliorem finem illam instituit, ut senem Regem à proprijs filiabus necari faceret, non ut illi juvenilem vigorem restitueret ut sic antiqua odia proditorio hoc opere satis expleret.

Libavius  
in defen-  
syntag.  
arc.chi.  
mic.

Nec meliorem obtinet sortem Transfusio in exactissima sui descriptione, quam apud Andreæ Libavium vir doctissimus invenit, ubi ostenditur illam non tam nostris diebus excogitatam; sed etiam inter huius seculi initia cognitam fuisse, non, inquam meliorem obtinet sortem, cum existimetur opus Chimericum, & quisquis illa utitur, parum sanæ mentis homo iudicetur, ac proinde asseratur, illum Helleboro indigere; placet eius verba hic referre: *Ille verò noster quo*  
*quæso*

quaſo remedio putabat ſe iſta inſperata conſequi poſſe? Adſit juvenis robuſtus, ſanus, ſanguine ſpirituoso plenus; adſtet exhaustus viribus, tenuis, macilentus, vix animam trahens. Magiſter artis babeat tubulos argenteos inter ſe congruentes. Aperiat arteriam robuſti, & tubulum inferat, muniatque; mox & agroti arteriam findat, & tubulum ſcæmineum inſigat. Iam duos tubulos ſibi mutuo applicet, & ex ſano ſanguis arterialis calens, & ſpirituosus ſaliet in egrotum, unaque vita fontem afferet omnemque languorem pellet. Sed quomodo ille robuſtus non languſcet, danda ei ſunt bona confortantia, & cibi; Medico verò elleborum.

Reſtat videndum an articularibus morbis & cutaneis affectibus: Transfuſio ſuccurrat, de quibus breuiter dicendum eſt, articulares morbos fieri non tam ab acrédine, & ſalſedine humorum ad articulos decumbentium quam à tartáro quodam ipſi ſanguini permixto, & peculiariter ad articulos deſcendente, hunc autem tartareum humorem gigni ab Epate non tam excedente in primum qualitarum intemperie, quam habente peculiarem vim generandi talem humorem ſicuti habent renes peculiarem vim generan-

Arthritiſ.



di arenulas; ex quibus patet, immixtum sanguinem, licet possit iecoris intemperiem remittere, & humorum retundere acro-  
dinem; non posse tamen, nec sanguini tartarositatem demere; nec iecori tollere aptitudinem ad tartareum humorem procreandum cum sanguis infusus non habeat qualitates ad id respicientes, nec peculiarem energiam ad talem tartarum dissoluendum; quam sane si haberet, alio etiam nomine posset affectionem augere, cum ad dissoluendum tartarum, & terrestreitatem illam, quam in articulis deponit tartareus sanguis, requiratur magna subtilitas, acuties, & calor, quem si infusus sanguis haberet magis posset calidam viscerum intemperiem augere, & ita ad causæ morbificæ augmentum quomodo concurrere: insuper, cum vel ab interna vel externa corporis agitatione humorum fluxio ad articulos concitetur, in Transfusionem autem fiat intra corpus non levis humorum agitatio, videtur, ipsam potius arthriticos dolores commouere posse, non autem præcauere.

Morbi  
cutanei.

Cutanæ affectiones non solum à proprio humorum vitio fiunt, sed etiam ab impetuoso illorum affluxu ad cutim, sic cum sanguis intempestive ad peripheriam corporis effer-

effertur, plura accedunt cuti incomoda, & cum ad ipsam nimis celeriter humores crudi trahuntur, vel in ea tertiam coctionem perfecte non recipiunt, scabies, & mille fœda inquinamenta colliguntur, vnde damnat Riverius vehementem corporis motum post cibum, non solum quia coctionem in ventriculo impedit, sed etiam quia attrahuntur nimis citò crudi succi ad corporis ambitum, & ibi scabiem pariunt, propter quod ipse asserit Scholares sæpissimè scabie laborare, quia statim post cibum nimis corpus commouent, vel ludendo, vel currendo. Cum igitur, vt probatum est, in Transfusionibus nimis properè sanguis attrahatur ad corporis peripheriam, ita vt non detur tempus ad perficiendam ibi talis sanguinis coctionem, vt partibus assimiletur, sequitur, potius per ipsam suppeditari fomitem causæ morbi in cute jam esistenti, quam tolli. Hæ sunt rationes, quæ singulis morbis recensitis aptatae sunt, præter vniuersales prius allatas, vt peculiariter demonstraretur nullis morbis conuenienter aptari Transfusionem, quibus alia insuper addi possent, sed sufficienter videtur hisce adductis probata illius inutilitas.

River.  
l. 4. inst.  
cap. 27.

# SECTIO TERTIA

## TRANSFUSIO REPVGNANS

### CAPVT PRIMVM

*Demonstratur Transfusionem repugnare  
Medicina dogmatibus.*



**I**XPOSITIS jam præcipuis in Transfusionem argumentis, placet adnectere rationes nonnullas, quibus probetur, illam non solum inutilem, & incertam esse, sed repugnantem, ut abunde in omnibus satisfiat Lectoribus, neue illis motiua desint, quibus ipsam aspernari possint, & reprobare; & præcipue consideranda venit repugnantia, qua legibus Medicinæ aduersatur, ob quam nullius prudentis Medici, qui verè cupiat exactam medendi normam seruare, mereatur assensum (parcant, qui usque huc illi fuerunt assentiti.)

Communissimum Medicorum præceptum est, ut medeantur citò, tutò, & iucundè,  
nul-

nullum autem ex his explet qui per Transfusionem medetur, ergo boni medici partes non adimpler. Non medetur quidem citò; nam per plures vices debet Transfusiones repetere, iuxta comunem transfundendi methodum, & quidem per vices inter se bene distantes, ne virium subsequatur immoderata iactura, vnde non minus temporis in repetenda Transfusionem consumitur, quam in propinatione cæterorum medicamentorum: Si autem loquamur de ipso actu transfundendi, neque is citò perficitur, cum per multum tempus detineatur æger dum venâ brachij preparatur, dum adaptantur tubuli, dum sanguis immittitur, qui non est violenter statim totus immittendus, ut melius se habeat operatio. Nec etiam citò superat causam morbificam tale remedium, æquò enim illa resistit sanguini aduenienti, ac cæteris medicamentis, imò magis resistit, cum cætera medicamenta non solum primis qualitatibus contra illam pugnent, sed peculiari insuper vi ut plurimum ipsam aggrediantur. Solum videtur quod citò ad partem affectam perveniat sanguis transfusus, cum pertransire non debeat per tot viscera, sicut cætera medicamenta, in quibus plurimum sui vigoris illa deperdunt; Sed non  
 sem-

semper necessarium est, vt tam citò remedia attingant locum affectum, conuenit enim plerumque, vt eorum vis refrangatur antequam ibi perueniat, vt scilicet paulatim inducatur in illam partem contraria temperies, quoniam non minus ea læderetur à subitaneo accessu remediortum, restituentium ei pristinam incolumitatem, quam læsa iam fuisset à causâ morbificâ similiter in eam irruente, & efficiente subitam mutationem, quare cætera medicamenta per os assumpta, ex eò quod per plura viscera pertranseant, non deperdunt suam vim, sed potius augment cum non irruant illicò in partem laborantem sed suam vim in itinere quoquomodo remittendo efficacius operentur, licet suauius, ac etiam cum tali pacto ac in visceribus alimenta coctionem acquirunt, illa quoque aliquàliter, quasi per destillantia vasa transcolentur, ac destillentur, vt inde possint omni depositâ impuritate melius oppugnare peccantem materiam: Nec vllum periculum est vt transeundo per viscera multoties infecta, similiter illa inquinentur, cum habeant in se qualitates potentes ijs infectionibus resistere, ac adeò auide ab ipsâ naturâ attrahantur ad partem, vbi ipsis opus est, vt non possint per diutinam commorationem

existentia in primis vijs inquinamenta vilo modo recipere .

Nec tutò medetur qui adhibet Transfusionem , recensita siquidem superiùs abundè sunt pericula , quæ possunt ab illà excitari ob maximam agitationem , quam intra corpus parit ob diuersorum sanguinum inter se conmixtionem: quæ sanè agitatio non admodum tuta est in ægris corporibus , & maximè in ijs, quæ jam diù à pertinaci morbo fuerunt detenta . Tuta præterea non est Transfusio, quia , vt probatum est , adhuc incerta permanet, nec efficacibus experimentis pluries , & satis est confirmata . Nec tandem iucundè medetur , cum ægrum vinciat vulneret , plurimum in ipsà operatione incomodè detineat , maximèque concutiat, & agitet .

Indicationes sunt exactè à Medico considerandæ , si verà medendi normà vult vti, ac foelicem de morbis referre victoriam; considerandum igitur erit , an qui Transfusionem vtitur in morbis curandis, optimè indicationibus satisfaciat . Ac prius supponendum est Transfusionem esse remedium magnum, sicuti est Phlebotomia, ac illà maius , cum non solù fiat in Transfusionem quidquid in missione sanguinis fit, sed etiam vltèriùs aliquid efficiat -

Celsus  
l. 2. c. 10.

efficiatur. Sanguinis autem missio maximè coindicatur à viribus, si enim morbus sit quantumvis magnus, si ætas non repugnet; si tamen desunt vires, irritè prorsus peragitur hoc remedium, ac ipse Celsus tantum huic indicationi à viribus tribuit vt illam cæteris omnibus anteposuerit; ergo multò magis debent attendi vires in celebrandâ Transfusionē. At illarum certè non habetur à Transfusoribus ratio, dum eam in tabefactis corporibus, & perquelli laxatis ægritudine, vt plurimum administrant: Nec dicant, non opus esse tantis viribus in Transfusionē, ac in phlebotomia, quia in hac mittitur sanguis, & spiritus cum illo exhauriuntur, at in illâ, si mittitur sanguis, statim tamen tantundem noui, & melioris reponitur, vnde nullum sequitur virium dispendium, & consequenter non est illarum habenda ratio. Nam contrarium potius dici posset, siquidem dum sanguis mittitur, in simplici phlebotomiâ, educitur naturâ ipsâ impellente plus peccantis sanguinis quam boni, aut saltem is à principalibus partibus remouetur, quare licet simul aliquid spirituum effluat, ex quibus possint vires magis prosterri, non tamen sequitur graue damnum, quia natura noxia san-

sanguine depulso, tota sese colligit, ac paulatim novas reassumendo vires, in pristinum redit vigorem, ac quod reliquum est causæ morbificæ valentiùs inde expellit. In Transfusionem verò, licet omnia supradicta debeant sequi ob missionem peccantis sanguinis, quæ fit dum novus immittitur, non tamen id rectè euenit, quandoquidem non potest natura colligere vires, quæ sibi remanserunt, cum ab adueniente sanguine illæ ulterius disperdantur; nec valet intromissam sanguinis quantitatem regere, ac perfectè distribuere per corpus, & proinde potius obruta succumbit, quam leuata reuiuiscat. Opus est igitur pluribus viribus pro Transfusionem, quam pro simplici phlebotomia, ac proinde illam adhibere in morbis desperatis, prout comuniter fit, repugnat satisfactioni indicationum, quæ à medico plurimum debet attendi, si iuxta veram methodum cupit mederi.

Non conuenit etiam Medico duos motus contrarios eodem tempore in ægro corpore efficere, cum magna sic illi inferatur noxa: Sic prudentes medici sæpius abstinere à clysteribus ipso die, quo sanguinem volunt mittere, ne contrarios motus in corpore excitent, ac duplici euacuatione, & per consequens



quens magna commotione illud exagitent; Igitur mul-ò minus vsurpabunt Transfusionem per quam duo motus totaliter contrarij simul, & eodem prorsus tempore fiunt in corpore, motus nempe ab intra, ad extra per euacuationem sanguinis. motus ab extra ad intra per alterius sanguinis immisionem, ex quibus sanè motibus magna sequitur, vt sapius dictum est, in corpore agitatio, ob quam à prudentibus Medicis vitari solent isti duplices motus contrarij.

Non acquiescunt his argumentis Transfusores, quinimò conantur probare, quod à medicis fiant nonnullæ operationes Transfusioni similes, atque ideò Transfusio non repugnet Medicinæ præceptis, sed illis plurimum conueniat; Vtitur nempe Medicina clysteribus nutrientibus quando deglutitio est impedita; apponit emplastra vmbilico ad confortandum fœtum, restaurat tabefactos balneis ex lacte paratis, atque ita quid simile Transfusioni operatur.

Inest tamen disparitas primò quoad Clysteres (de quibus multi non præter rationem dubitant) quia per illos nullum sequitur inconueniens in corpore, cum infundantur in intestina succi alimentales, ac in ijs aliquantulum concoquantur, & inde per me-  
scrai.

feraicas , seu lacteas venas deferantur ad  
 sanguificationis officinam , pari modo , ac si  
 per os fuissent ingesta ; & sic nihil prorsus  
 alteratur corporis œconomia ; at in Trans-  
 fusione sanguis , qui immittitur , non con-  
 suetas vias percurrit , nec coctionem vllam  
 in visceribus accipit , qua reddatur homini  
 nutriendo congenueus , quia non ex eò quod  
 sit sanguis , non indiget vltiori coctione ,  
 cum cætero sanguini immediatè immiscea-  
 tur , namque vel est aptus immediatè nu-  
 trire hominem , vel non ; si non potest im-  
 mediatè nutrire , ergo debet prius coctio-  
 nes priores in reliquis visceribus subire ante-  
 quam partibus nutriendis admoneatur ; si  
 verò aptum est immediatè nutrire , ex eo  
 quod jam in alieno corpore primas coctiones  
 subierit , sequitur quod si per os assumatur ,  
 & iecur & ventriculum pertranseat , nullam  
 in ijs coctionem recipiet , sed eo modo , ac  
 fugitur , & prorsus immutatus cætero san-  
 guini immiscebitur , cum opus non habeat  
 suscipiendi iteratas coctiones , si jam prius  
 illas intra aliud corpus receperat ; at falsum  
 hoc est , cum haustus sanguis , vel conuer-  
 tatur in chylum , & deinde iterum in sangui-  
 nem , vel in ventriculo incoctus grumescat ;  
 Nec dicas quod tunc sanguis extranasatus

H

pro-

propriam naturam mutaret, ideoque opus haberet iteratis coctionibus, etenim transit per vias animatas, & calore suffultas, ac venis, sanguineque similiter refertas; si igitur non mutat naturam dum per vitreum & inanimatum tubulum permeat, nec etiam mutabit dum oesophagum, ventriculum, & Epar omnibus suis spiritibus exacte munitos pertransit. Certum profectò id est, quod si medici nutrientes clysteres adhibent vel nutriunt corpus regulari, ac consueto ordine, vel si nutritio non succedat, nulla pars principalis læditur, cum illicò possint intestina clysterem rejicere; si verò Transfusionem vtuntur, totum corpus exagitant, & nobilissima viscera in magnum ponunt discrimen, si non perfectè succedat operatio; ideoque licet ijs secundum medicinæ leges vti clysteribus, non Transfusionem, quia in illis experiuntur nullum cum probabili utilitate periculum, in hac autem certo periculo cum dubia utilitate se exponunt.

Adest præterea disparitas inter balnea & emplastra, ac Transfusionem, quia illa nil aliud præstant, nisi spiritus, & qualitates quasdam per poros cutis, nec vllò modo humores commouent, sed benignè, ac suauiter coadiuuant nutritionem, & fatiscientes vires restau-

restaurant; Transfusio autem non corrigere tantum humorum peccata intendit, ac facultatum munera coadiuuare, sed penitus vult omnia innouare, quapropter non adeò comuniter, ac balnea, vsurpanda est à medicis, qui tutò cupiunt mederi ægrotantibus.

## C A P V T I I.

*Explicantur Hippocratis textus, quibus non affectauit, nec sequutus est Transfusionem, sed potius reprobauit.*

**I**dem est Hippocrati, ac Medicinæ repugnare, perinde ac idem est leges violare, ac legislatori non parere; maximum igitur argumentum ad probandum quod Medicinæ repugnet Transfusio, est, quod Hippocratis doctrinæ non sit consentanea. Iam pluribus in locis id ostensum est, Scilicet, eo quod Hippocrates subitas, & magnas mutationes damnet, & in Transfusionem fiat omnino magna, violenta, ac repentina mutatio in corpore, reducendo illud à statu penitus morbofo ad salutem sine vllis præuijs dispositionibus, ac accelerando coctiones, ita vt nutrimentum apponatur corpori antequam

Hip. I. de  
Alim. n.  
II.

debito tempore intra corpus retentum sit, & per conuenientes gradus subierit coctiones. Ostensum est insuper reprobari ab Hippocrate talem modum reficiendi corpora, cum stabilis alimonia illis non apponatur, ex eo quod quæ velociter apponuntur, & nutriunt, velociter etiam excernantur, ac proinde inutiliter talis refectio adhibeatur quod etiam ipse idem in libro de Alimento repetijt dicens, *quod alimentum, quod agrè alteratur, agrè consumitur quod facile apponitur facile consumitur*. Ac pluribus alijs in locis colligi posset Transfusionē non rectē accomodari Hippocraticæ doctrinæ, ac ab eodem damnari, non explicitē quidem, quia illam nec ipse somniauit, sed implicitē, per comparisonem scilicet dogmatum illius cum naturā, & effectibus huius operationis.

De A-  
lim. n. II

Verū conantur nonnulli facere Hippocratem, si non affectam Transfusionis, saltem eiusdem affectatorem, & hoc illius desiderium arguunt ex his quæ dixit in libro de Alimento: *Quicumque veloci appositione opus habent, his humidum ad reficiendas vires medicamen optimum; quicumque verò adhuc velociori indigent, per olfactum;* dicunt namque, quod ille probans ad velocem nutritionem humidum medicamentum,

tum, ac ipsum olfactum rei alimentalis, quoquo modo insinuauerit Transfusionem, ac si dixisset si aliquos nutrire volumus citissime, infundamus in venas illorum sanguinem, qui humida res est, ac ipso olfactu melior, & citissime reficit, cum, sicuti facit olfactus, diuturnas euitet viscerum coctiones.

Sed sicuti unicuique licet Hippocratis verba meditari, non omnes tamen illius veram mentem rationabiliter assequuntur. Loquitur ibi Hippocrates de ijs qui citâ indigent refectione, ac illis humida alimenta præbenda iubet, iuxta illud: *facilius est impleri potu, quam cibis*, cum humida alimenta facilius concoquantur: non tamen inde intendit quod hæc humida alimenta non debeant subire omnes coctiones in visceribus, hoc enim propriæ doctrinæ penitus aduersaretur; quare inter hæc humida alimenta transfusum intra venas sanguinem non comprehendit, cum hic priores omnes coctiones vitet, & id à mente Hippocratis prorsus distet, qui milles inculcauit necessitatem trium coctionum, quas subire debet alimentum, vt probè assimiletur corpori.

Cum verò de refectione per olfactum loquitur, vult illam solum esse adhibendam in illis casibus, in quibus vel ob animi de-

aphor.  
18.

de Ali-  
men. n.  
9.

fectum, vel ob ingentem virium dissolutionem æger opus habet re aliquâ, quæ illico spiritus aliquos restauret, ita ut deinde gradatim corpus admittere possit solidiorem refectionem, cum odoratus alicuius re-nutrititiæ non possit firmiter reficere, pro ut ipse idem dixit: *quæ velociter nutriunt, velociter excernuntur*; non ergo credibile, est, ipsum unquam adhibiturum fuisse Transfusionem in his casibus tam violentis, licet enim supposuisset illam posse citissime reficere corpus, attentâ tamen operationis qualitate, non usus fuisset ipsâ, cum vel ipsi Transfusores in his casibus ab illâ abstinere, eo quod ad sufferendam talis actionis incommoditatem opus sit multis spiritibus ac periculum sit, ne in præcipiti sanguinis ingressu illi potius dissoluantur, quam restaurentur, quemadmodum nos superius probauimus dum de Syncope loqueremur. constat igitur Hippocratem in hoc loco nullo modo rationabiliter exoptasse sanguinis Transfusionem.

Potius in eodem libro videtur Transfusionem damnasse, aut saltem valde periculosam declarasse, dum dixit; *Sanguis alienus utilis sanguis proprius utilis, sanguis alienus noxius sanguis proprius noxius*: non loquutus est  
hiscæ

hiscē verbis de lacte, quo nutriuntur infantes (sicut exponit doctissimus Vallesius) quibus proprium, scilicet maternum, ac alienum, scilicet nutricum quandoque sunt vtilia, quandoque inutilia, quia inferius expressē de hoc loquutus est, dicendo: *lac alienum urbanum lac proprium noxium lac alienum noxium, lac proprium utile*; repugnat autem nimis breuitati, ac quasi ænigmatica qua vtitur in toto hoc libro hæc repetitio, nec adeò indubitata est lactis ex sanguine generatio, ita vt dum loquitur Hippocrates de sanguine, intelligi debeat de lacte, cum apud ipsum etiam colligi possit lac non generari ex sanguine. Igitur supradictis verbis credibile est ipsum loquutum fuisse de sanguine ipso, ac nihil aliud forsan voluit dicere, quam sanguinem proprium esse vtilem, & noxium, vtilem quidem, si bonus sit, noxium, si prauus sit, ac male nutriet: sanguinem etiam alienum esse quandoque, vtilem, quandoque noxium, hoc est posse aliquando nostris corporibus bene accomodari, aliquando verò non posse, vnde colligi potest esse valde periculosum transfundere alienum sanguinem, cum aliquando etiam possit esse noxius, & huius rei rationem, immediatè superius apposuerat,

G 4

nempe

Vallesius  
in com.  
lib. de  
alim.

112738  
21

12 21  
112738



nempe ex eo quia *natura omnium sine doctore* sunt doctæ , hoc est naturæ corporum operantur , pro vt illis commodum est , absque vllâ doctrinâ , & firmâ regulâ , ita vt talis sit natura alicuius corporis , quæ probè reficiatur aliquâ re , quam nos potius illi existimamus esse contrariam , ex eo quod ipsa sine doctore docta , bene cognoscat talem rem tunc illi conuenire : sic loquendo de alieno sanguine , aliquando potest esse utilis , quia naturæ corporis recipientis accomodatur aliquando noxius , quia licet videatur congruus illi esse , ipsa tamen melius quam nos docta , eum respuit . Vndè concluditur quod valde periculosum , & dubium sit alienum sanguinem alteri dare , ex eo quia non tam corporis vtriusque , tum recipientis , tum dantis , non exactè noscantur naturæ , tum ex eo quod illarum inter se conuenientia nobis plerumque non pareat , sed soli ipsi naturæ ex quo noxius sæpè potest esse sanguis , qui infunditur , ac grauiâ inferre pericula .

Ex his duo colligere contra nos possunt ipsi Transfusores , primum , quod Transfusio possit aliquando conferre , secundum , quod si prædicta sunt vera , idem quoque dubium de quolibet medicamento poterit predi-

predicari, ac consequenter tota medicina destruetur. Sed quoad primum responde-  
tur, quod licet ex supradicto Hippocratis  
loco inferri possit, Transfusionem aliquan-  
do posse esse proficuam, tamen ex eo quod  
dubium valde sit quando hæc vtilitas sperari  
ab eâ possit, cum æqualiter etiam illa sit  
periculosa, sequitur quod perinde respuen-  
da sit ac si omnino, & semper esset pernicio-  
sa. Quoad secundum verò non valet paritas  
sanguinis infusi cum reliquis medicamentis,  
cum facultates cæterorum medicamento-  
rum possint bene cognosci, ex eo quod  
semper sint eadem, non verò possint adeò  
bene cognosci naturæ animantium, cum non  
solum vnumquodque indiuiduum ab alio  
differat, sed etiam vnum indiuiduum pluries  
à se ipso possit fieri diuersum ob mutationes  
qualitatum, & alterationes humorum: sic  
e. g. quælibet radix Rhabarbari bilem pur-  
gat, quia quælibet idem habet tempera-  
mentum, quare indifferenter quælibet po-  
test sumi ad bilem euacuandam (dumodo  
non habeat aliquod vitium accidentaliter  
illi adueniens, scilicet erosa sit, putruerit,  
aut quid simile ei acciderit) Non verò  
quodlibet animal est calidum, & humidum  
v. g. nec exactè nobis notum est, an habeat

in sanguine tales qualitates quibus possit tali affectui mederi; quapropter non ita indifferenter quodlibet animal potest pro Transfusionem adhiberi, & ita remanet firma dubietas, quæ secundum Hippocratem potest in Transfusionem haberi, ex eo quod difficile sit inuenire sanguinem alienum, qui sit utilis indiuiduo recipienti, cum naturæ animalium non possint perfectæ inuestigari, ac simul inuicem congruenter aptari.

Alia adnotantur loca Hippocratis, in quibus videri potest indicatam ab eo fuisse Transfusionem, nempe libro de ratione victus in acutis, ubi de Aphonia loquens, dixit illam posse fieri ob venarum occlusionem & spirituum in illis interceptionem, cum autem transfuso sanguine possint hæ interceptiones aperiri, videtur ibi fuisse ab Hippocrate indicatam Transfusionem. Sed ibi loquitur ille de Aphonia subitaneâ, facta à repletis nimio sanguine venis à quò impeditur transitus spirituum; hæ autem venarum repletiones ex Galeno, vel fiunt à nimia sanguinis copiâ, vel ab eiusdem vitio, scilicet ab acribus humoribus ipsi admixtis, qui attrahunt multam materiam in venas affectæ parti propinquas, quæ illæ oppletæ, transitum denegant spiritibus ad hanc autem

Hipp. de  
rat. vict.  
in acut.  
num. 37.

Gal. de  
rat. vict.  
in acut.  
com. 4.

tem repletionem venarum Galenus solam, sanguinis missionem probat cum sufficienter per hanc sanguis, tum copia, tum qualitate peccans, satis euacuetur, nec insuper opus sit aliâ sanguinis infusione, cum spiritus qui in corpore sunt, statim ac aperiuntur viæ, sint sufficientes ad tollendam priorem affectionem; nec vlllo modo nouus sanguis requiratur, ne iterum repleantur venæ, ac priora mala deinceps reuertantur.

Similiter libro secundo de morbis visus est Hippocrates probasse noui sanguinis infusionem intra venas, cum loquutus est de Apoplexiâ, dixitque, hominem in totius corporis impotentiam incidere perfrigerato intra venas sanguine, ac multæ pituitæ admixto, atque ipsum posse euadere si sanguis, vel à se ipso, vel à medicamentis exhibitis caleseat, quare in hoc casu videtur maximè congrua Transfusio, cum possit immediate, ac celerrimè sanguinem calfacere per calidioris sanguinis miscelam.

Loquitur ibi Hippocrates de Apoplexiâ, ideoque pro corporis impotentia, intelligit priuationem sensus, & motus, quæ vel fit ab obstructione ventriculorum cerebri, ob quam non possunt in illis spiritus generari, ac in corpus diffundi; vel fit ex eo quod non  
sup-

Hip. 2.  
de mor-  
bis m. 6.  
& 8.

168

169

170

171

172

173

174

175

176

177

178

179

180

181

182

183

184

185

186

187

188

189

190

191

192

193

194

195

196

197

198

199

200

201

202

203

204

205

206

207

208

209

210

211

212

213

214

215

216

217

218

219

220

221

222

223

224

225

226

227

228

229

230

231

232

233

234

235

236

237

238

239

240

241

242

243

244

245

246

247

248

249

250

251

252

253

254

255

256

257

258

259

260

261

262

263

264

265

266

267

268

269

270

271

272

273

274

275

276

277

278

279

280

281

282

283

284

285

286

287

288

289

290

291

292

293

294

295

296

297

298

299

300

301

302

303

304

305

306

307

308

309

310

311

312

313

314

315

316

317

318

319

320

321

322

323

324

325

326

327

328

329

330

331

332

333

334

335

336

337

338

339

340

341

342

343

344

345

346

347

348

349

350

351

352

353

354

355

356

357

358

359

360

361

362

363

364

365

366

367

368

369

370

371

372

373

374

375

376

377

378

379

380

381

382

383

384

385

386

387

388

389

390

391

392

393

394

395

396

397

398

399

400

401

402

403

404

405

406

407

408

409

410

411

412

413

414

415

416

417

418

419

420

421

422

423

424

425

426

427

428

429

430

431

432

433

434

435

436

437

438

439

440

441

442

443

444

445

446

447

448

449

suppeditantur illis spiritus ad hoc vt illos possint elaborare , & hoc prouenit , vel quia non gignuntur , vel quia ad illos non demandantur ob obstructionem in venis circumiacentibus factas , & hac de causâ dicuntur ab Hippocrate venæ obstructæ , & refrigerato sanguine plenæ posse corporis impotentiam efficere . Necesse tamen est vt non leuis sit hæc obstructio , adhuc vt possit omnem spiritibus transitum impedire ; si autem magna erit obstructio , quantumuis infundatur calidus sanguis , non poterit tam citò eam tollere , pro vt requirit morbi acuties ; & periculum , nec poterit adeò facillè sanguis calidus illuc peruenire , nam venæ illæ cerebro propinquæ , plurimum sunt à corde , & Epate distitæ , ac sunt admodum exiles , plurimisque diuaricationibus confusæ , adeoque non poterit per Transfusionem reddi sanguis calidior , pro vt opus esset . Melius quidem id poterit effici inunctionibus , vesicatorijs , alijsque rebus calidis , quæ immediatè ipsi capiti applicantur , ac validius , citiusque ad laborantes partes pertingunt : & hæc sunt , quæ circa horum locorum Hippocratis expositionem dicenda mihi visa sunt , vt demonstrarem ab ipso nullo modo admissam , aut excogitatam fuisse sanguinis

Trans-

Transfusionem . Meliores expositiones possent absque dubio afferri ab ijs, quibus Hippocratis arcana melius innotescunt ; mihi sat est aliquid attulisse pro meæ sententiæ defensione .

### C A P V T I I I .

*Reijcitur Transfusio quia Philosophia aduersatur .*

**I**Ndecorum est Medico remedia præscribere , quæ plus experientiæ nitantur , quam rationi , non ergo erit laudabilis in Medicinâ vsus Transfusionis , quæ nullam aliam meliorem sui probationem affert , quam experientiam , & negligit quascumq; rationes , quæ contra ipsam pugnare possunt , solam afferens pro sui defensione experientiam , qua , cum in aliquibus innocuè fuerit celebrata , cumque sanguinis permeatio non numquam bene se habuerit , tutam omninò , & vtilissimam sese prædicat , nihil curans incidere in turpe Empirici medicaminis cognomentum .

Igitur nil mirum erit , si Philosophiæ regulis non bene respondeat . Ac sanè plurimum

mum ab illis visa est discrepare, dum voluit  
 indiuiduorum species confundere, ac diuer-  
 sos planè sanguines simul vtiliter immiscere,  
 sed cum abundè de his superius ægerimus,  
 & tempus jam sit vt breuitati studeamus,  
 missa faciemus omnia quæ partim ex jam  
 dictis colligi possunt, vel ab vnoquoque  
 possunt animaduerti, solum contenti erimus  
 vnum, atque alterum axioma Philosophi-  
 cum exponere, quibus directè aduersatur  
 Transfusio. Primum est illud vulgatissimum  
*Quod nimis probat, nihil probat*, quod au-  
 tem Transfusio nimis probet, facile erit o-  
 stendere: infundit illa senibus ac languen-  
 tibus robustum, ac viuidum iuuenis ani-  
 mantis sanguinem, ac idèò infundit, quia  
 supponit posse per talem sanguinem renu-  
 triri partes senilis corporis tabefactas, posse  
 robur augeri, coctiones restaurari, ac tan-  
 dem omnibus ijs qualitibus imbui cor-  
 pus quibus præditus erat iuuenilis sanguis  
 transfusus; iuuenescet ergo senile corpus,  
 ac per aliquod tempus bonâ hac alimoniâ  
 fruetur, qua deficiente, si noua infundatur  
 melius etiam, ac firmitus restaurabitur tale  
 corpus, cum non solum nutritum fuerit  
 optimo sanguine, sed insuper communicata  
 illi fuerit ab eo vis, & energia quædam ad  
 resi-

resistendum cuilibet contrario, & ad exercendas omnes functiones sibi necessarias, quæ vis & energia à transfuso secundâ vice sanguine magis confirmabitur, melius quoque iteratâ hac alimonia reficientur membra; & sic si pluries repetatur Transfusio, senile corpus euadet firmum, & robustum, perinde ac iuuenile, & si quandoque quauis de causâ periclitabitur hac Transfusionem poterit statim in pristinum reduci, atque adeo quoquomodo poterit, vt ita dicam, fieri immortale. Respuit Philosophia trascendentes istas rationes, ac cum naturalium rerum causas perscrutatur, dum in huiusmodi impingit absurda, penitus non assentitur, non assentietur ergo Transfusioni Philosophia ac illam sibi prorsus aduersam declarabit.

Alterum axioma est illud, *Quidquid recipitur ad modum recipientis recipitur*, cui vel non assentiri debet Transfusio, vel se inutilem debet declarare. Quidquid sanguinis recipiunt venæ ac viscera, eodem modo recipiunt, ac illa se habent, sicut eodem modo chilum recipit Epar, ac vertit in sanguinem, sicuti ipsum Epar se habet quoad temperamentum, & sanguificandi facultatem; si igitur venæ ac viscera prauâ diarrhesi infecta sint, ac contumacibus obstructionibus



nibus infarcta, nec non deleterijs humoribus conspurcata, non nisi iuxta suum modum poterunt aduenientem sanguinem recipere quare illum inficient, ac defœdabunt; ergo inutiliter administratur Transfusio cum potius inseruiat ad cumulandam materiam morbificam, quam ad tollendam: aut saltem non erit verum axioma philosophicum, quod quidquid recipitur, ad modum recipientis recipiatur. Transfusio certè non vult se inutilem declarare, ergo potius non curabit repugnare huic philosophico dogmati, quare firmiter asserenda erit illi repugnans.

Sed quid dicemus ad argumentum à Transfusoribus allatum, quo demonstrant Transfusionem ab ipsâ naturâ celebrari, ac consequenter ipsi quoque naturali scientiæ esse consentaneam. Afferunt nutritionem, quam suscipit fœtus intra vterum matris, assumendo scilicet maternum sanguinem per vmbilicalem venam, & in hoc nutriendi modo veram agnoscunt Transfusionem, cum sanguis maternus in venas fœtus effundatur, perinde ac veruecinus sanguis ab ipsis Transfusoribus effunditur in hominis venas. Magnam tamen inter vtrumque opus dissentionem inuenio, effusio siquidem sanguinis,

guinis , quam facit mater in vmbilicalem  
venam foetus , non eſt verè Transfuſio , ſed  
continuatus quidam tranſitus per vaſa vtriſ-  
que communia; foetus enim licet poſſit ali-  
qualiter à matre diuerſus eſſe per diuerſum  
temperamentum , ac animas ſeparatas, ta-  
men dum adhuc intra vterum commoratur,  
maximè dependet à matre ; ac ſecundùm il-  
lius diuerſas alterationes , ille etiam bene ,  
aut male ſe habet ; ac etiam quo ad ipſam  
animam , plurimam à matre dependentiam  
habet , cum communiter aſſerant Theologi,  
non aſſignari Angelum Cuſtodem foetui an-  
tequam ab vtero exeat , ſed ab Angelo ma-  
tris cuſtodiri , ex eo quod plurimam cum  
illa habeat connexionem , ac ferè idem fit  
cum illa . Certùm ſaltem , id eſt , minorem  
diſparitatem eſſe inter matrem , & foetum ,  
quam inter hominem , & veruecem , ex qua  
tolerabilior , ac longè melior eſt ſanguinum  
communicatio , quæ in illis fit à natu-  
ra, quam quæ inter hos cele-  
bratur à Transfu-  
ſoribus .

## CAPVT IV.

*Colligitur ex sacris Scripturis Transfusionis in conuenientia.*

**L**iceat Medicinæ fines paulisper transcendere, ac ut abundè curioso Lectori satisfiat, probatâ jam medicis rationibus inconuenientiâ Transfusionis, detur illam, vlteriùs confirmare sacrarum paginarum, monumentis, sic enim non Medicis tantum, sed eruditis quibuscumque illius repugnantia innotescet.

Genes  
cap. 9.

Deute-  
ron. cap.  
12.

Quæ sanè repugnantia colligitur ex antiquis Dei præceptis, quibus populo Iudeorum inhibuit, ne sanguine vteretur; legitur enim in Genesi mandatum fuisse Noe, & alijs de arca egredientibus: *Carnem cum sanguine non comedetis, sanguinem enim animarum vestrarum requiram de manu omnium bestiarum, &c.* ac etiam in Deuteronomio per Moysen præceptum fuisse populo, ut etiam à sanguine mortui animalis abstineret: similiter in Leuitico pluribus in locis factam fuisse huius prohibitionis mentionem, ac præsertim his verbis: *San-*

*gui-*

guinem vniuersa carnis non comedetis, quia anima carnis in sanguine est, & quicumque comederit illam, interibit. Ac tale etiam præceptum confirmare visi fuerunt Apostoli, dum abstinentiam à sanguine, & suffocatis in noua Ecclesia conseruare ( licet decreto in perpetuum non duraturo) statuerunt.

Horum autem mandatorum is fuit finis, ne homines tractando sanguini assuescerent vnde feritatem ebiberent, qua proni in homicidia euaderent, quod omnes penè interpretes censuerunt, ac præ cæteris Diuus Augustinus sic loquens: *Hoc autem facit ideo ut primis illis temporibus comprimat illorum impetum, & propensionem ad homicidia: Et etiam ut Pererius explicat; Id est non comedetis carnem viuentem, sicut fera omnium viuentium, tam animalium, quam hominum, carnes comedunt; vel non comedetis sanguinem, quo animalium vita maxime continetur.*

Licet verò vetitus sanguinis vsus, eò dumtaxat tenderet, ne homines eo vescerentur, quamobrem minus ad nostram causam pertinere videatur; nihilominus illius præcepti finis ita hodiernæ Transfusioni repugnat, vt qui eam adhibet, Deo mansuetudinem intendenti aduersari videatur. Quid enim

Leuit  
cap. 17.

Actor  
15.

D. Au-  
gust. in  
Genes.

Perer in  
Genes l.  
14.

crudelius quam sanguinem è venis non elicere ; sed vi extrahere , tantumque dolorem non horrere ; quem vix oculi ferunt ? Non solum quippe ligantur & vulnerantur bruta , sed prætiosior ex illorum arterijs sanguis paulatim ( ne dicam per iocum ) totus educitur ; nonne ergo inter hæc nutritur crudelitas , ac in tali cruoris effusione diù immorando , nonne magis delectatur , & firmitus assuescit ? quare licet per Transfusionem non bibatur sanguis , cum tamen eadem secum ferat inconuenientia , ac illius potus , bene potest includi non quidem sub hoc præcepto , quod lex noua aboleuit , sed sub fine , quem Deus præceptis suis intendit .

Licet profectò pro hominis salute similia exequi , ac vt illius tollantur incommoda , parum refert an brutorum vita periclitetur ; attamen peculiariter rigidum quid sapit illa tali pacto interimere , ac minus congruum videtur innumera mitiora remedia prætermittere , vt sæuius adhibeatur , non solum cum patientum cruciatu maiore , sed quoque non sine totali agentium virtutis periculo .

Fugiant ergo Medici hanc rigoris notam & si etiam dum leniter in alijs remedijs segerunt ,

gerunt, hoc nomen vitare plarumque non possunt, definant amplecti hanc nouam remediij formam, quæ patentiore refert fauitem, & rationabilius illis talem characterem potest imprimere.

**C A P V T V.**

*Examinatur Transfusio Legalibus argumentis, & ab illis vetita demonstratur.*

**I** Necimus jam falcem in alienam messem, dum relictæ medicorum argumentorum semitæ, in sacrarum Scripturarum, viridaria diuertimus; placet igitur vltius progredi, ac latos legum campos ingredi, & in illis manipulos, hoc est authoritates quasdam colligere, quibus insequatur, & verberetur Transfusio.

Fundamentum autem præsentis discursus erit nouitas, & non exacta huius remediij certitudo, ob quam vetitum est medicis similia medicamenta adhibere, & multò magis Transfusionem, contra quam non sola pugnat nouitas, & incertitudo, sed validæ, & efficaces rationes, ac etiam lumen naturale, quod primo aspectu illius

utilitatem vanam plarisque demonstrat.  
 Non licet igitur Medicis uti medicamen-  
 tis, & ratione medendi minus probabilibus  
 & certis, relictis certioribus, & comunio-  
 ribus, sicuti faciunt Transfusores, qui co-  
 munissimam medendi regulam relinquentes  
 adhibent hoc remedium minus probabile,  
 & certum, sic Portell; Sotus; Suarez; Vil-  
 lalob; Vasquez; Sanchez, qui citantur à  
 Diana, quibus addi possunt Castropal; &  
 Fagnanus, qui medicos sic operantes non  
 solum aliorum Doctorum testimonijs da-  
 mnat, sed etiam naturali ratione reprobatur, &  
 conuincit, *quia nemo vellet talem medicum,*  
*qui utens medicamentis minus probabilibus,*  
*& tutis, probabilius occideret, quam sana-*  
*ret. & si quis talem eligeret medicum,*  
*cenferet ille, hunc magis agrum mente, quam*  
*corpore; quinimò citat inter alios Innocent;*  
 qui probabilitatem medicamenti non late  
 sumit, sed restringit etiam ad leue dubium  
 quod haberi potest de medicamento adhi-  
 bendo, statuit nempe ille, *Medicum pec-*  
*care non solum cum adhibet medicinam,*  
*dubitans an illa sit nocitura, vel profutura,*  
*sed etiam cum vehementer credit eam profu-*  
*turam, si aliquid dubitationis habeat, vel ha-*  
*bere debeat, ne illa noceat, quia semper in-*  
*tutio-*

Diana  
 tr. 3. de  
 opin.  
 prob.  
 resol.  
 7.

Fagnan.  
 in c. ne  
 innitar.  
 n. 293. &  
 294. de  
 constit.

Fagnan.  
 nu. 250.

Innoc.  
 in cap.  
 ruanos  
 nu. x. de  
 homicid

*tutiorẽ partẽ intelligendum eſt.*

Excipiuntur tamen à nonnullis aliqui caſus, in quibus medicus licitè poteſt minus probabilia medicamina uſurpare, ſcilicet ubi nullum aliud certius reperiretur medicamentum, quo poſſet talis morbus curari, ſic Diana, Caſtropol; & multi alij, ſed hoc non poteſt applicari Transuſioni, cum innumera alia tutiora medicamenta adſint ad curandos eos morbos, quibus ipſa adhibetur, & innumeri morbi huc uſque fuerint exactè abſque illà curati.

Idem quoque Fagnanus ſequitur probare, medicos teneri ad ſequendam partẽ probabiliorẽ, & comuniorem circa electionem medicamentorum, & rationem medendi, non ſolum ex debito charitatis, quæ poſtulat, ut certiori modo, quo poſſumus, agro ſubueniamus; ſed etiam illos teneri ex ſuo officio, & de obligatione iuſti- tiæ; ſic autem id probat; primò, *quia officium medici eſt adhibere medicamenta, quæ putat potius profutura eſſe quam nocitura, ſed is non poteſt opinari profuturum eſſe aliquod medicamentum, quod probabilius eſt nociturum, cum oporteat opinari illam artẽ, quę habet fortiora motina; ergo medicus, qui ſequitur partẽ minus pro-*

Fagnan.  
ibidem.



*babilem, non satisfacit officio suo, & sic peccat etiam contra iustitiam. Secundo id probat, quia si ex charitate erga infirmum tenemur, ut medio certiore ei subueniamus, certè non minus id debemus facere ex amore veri, & recti, quod à nobis diligi, & omni studio inquiri debet, & quod nisi sic inquiramus, & amemus, peccamus formaliter, non tantum materialiter; quemadmodum enim qui non utitur certiori medio ad subueniendum infirmo, convincitur non diligere infirmum, & peccat, ita quicumque non utitur medio certiore ad assequendum verum convincitur ex hoc ipso non diligere Deum, qui est ipsa veritas.*

Sed dicet aliquis, Transfusio non censetur à Transfusoribus medicamentum non probabile, sed rationi consonum, & experientiz, ergo si illam sequuntur, non errant. Respondeo, quod licet ab ipsis censeatur esse medicamentum probabile, non possunt tamen ipsi etiam negare, quod sit multò minus probabile, quam cætera omnia medicamenta, quæ comuniter ab alijs medicis adhibentur, & per tot secula compertum est fuisse proficua. Nec item negare possunt aliquid dubietatis etiam nunc apud ipsos remanere circa illius utilitatem, cum ipsi  
etiam

etiam cognoscant, tres vel quatuor casus, in quibus illa profuit, non sufficere ad stabilendam eius omnimodam securitatem, quare cum adhuc remaneat illis circa hoc aliqua dubietas, non debent illā vti, relinquendo cætera remedia, quæ certiori prorsus modo morbis succurrunt, pro vt censet Innocentius, quem supra retulimus.

Instabunt iterum Transfusores dicendo: nos illā vtimur, vt maiorem certitudinem de illā adipiscamur, multiplicatis enim experiētijs ipsius probabilitas magis statuitur. Respondet tamen illis Castropalao, asserens, *illicitam esse medicis experientiam facere de medicamentis, an sint salutaria, vel nocua, etiam in agrotis desperatis, quia nemini licet morte proximi scientiam consequi, & quia sic operans dubius est an mortem acceleraturus sit medicamento, ergo quantum est ex se accelerationem intendit, & peccat.*

Castro-  
pal de  
cose. o-  
pin. disp.  
2. punc. 9  
n. 3.

Hæ sunt Doctorum opiniones circa vsum dubiorum medicamentorum, inter quæ, vt probatum est, numeranda est præcipue Transfusio. Si autem alicui magis arrideret quæstiones ad medicum spectantes audire à medicis ipsis discussas, illi etiam satisfiet, cum doctissimus Zacchias nostri

zui

huius medicus celeberrimus in suis quaestio-  
nibus medico legalibus abunde de hoc age-  
rit pluries, pro ut hic subnectitur.

Zachias  
lib.6.tit.  
1.quæst.  
7.n.2.

Et quidem libro sexto sic loquutus est.  
*Caterum ante alia statuendum est, quod  
medicus qui in medendo incertus, novas,  
dubias, & extra quotidianam praxim exi-  
scentes opiniones sequitur, gravem er-  
rorem committit, cum ex conscientia tenea-  
tur sequi sententias certas securas, & co-  
muniores: & infra sic Damnandi, & pe-  
niendi etiam sunt medici illi, qui remedia  
quadam celeberrima apud medicina artem  
omni seculo canonizata, respuunt, & ob  
propriam quandam hæresim, ea maximo  
cum agrorum præiudicio prætermittunt, ab-  
surdis quibusdam, & insulsis rationibus in-  
herentes, quæ ne dignæ quidem sunt, quæ  
in medium producantur: ac insuper inferius*

num. 7. *sic subiungit in hoc etiam errore implicatur  
medicus qui medicamenta nova, & non  
experta in usum trahit, cum habeat experta  
& à comuni usu recepta. Sic Canonistæ  
voluerunt, tam experta esse medicamenta,  
ut si dubitet Medicus, an aliquod medica-  
mentum profuturum sit; nec ne, voluerint  
potius illum dimittere debere agrum in ma-  
nus Dei quam periculo mortis tali experi-  
mento*

*mento exponere*, sic citat Nauarr, Carrar, Aetium &c. Idem quòque prosequitur al. fere libro 10, conf. 40. n. 3. & 4. & conf. 71. num. 14. lib. 8. tit. 2. quæst. 3. num. 1. & 2. vbi non solum asserit peccare medicum, qui dubia medicamenta præscribit, sed etiam ægrum qui illa assumit.

Hæc igitur præcipua sunt argumenta, quibus reprobatur à legum decretis Transfusio, quæ ideò hic fuerunt apposita, vt plenius audis lectorum ingenijs satisfaceret, ac vt nullum relinqueretur armorum genus, quo non insequeretur Transfusio; quæ quidem arma, si alicubi vel parum acuta, vel non exactè deterfa, & lucida à Lectoribus inuenientur, ignoscant quæso, ac proprijs ingenijs incepta perficiendo, acutiem illis addant, & nitorem, & sic dum huic Opusculo proprias doctrinas immiscebunt vt ex illarum accessu magis conspicuum reddatur, veriore, & vrillimam facient TRANSFUSIONEM.



FINIS.

INDEX

# INDEX

## CAPITVLM.

**P**ROLOQVVM pag. 1.

### SECTIO PRIMA

Transfusio incerta

- CAP. I.** *Transfusionis inuentio narratur, & exponitur modus, quo ipsa celebratur.* pag. 7
- CAP. II.** *Transfusio in hominibus damnatur, & modus quo ipsa fit, expenditur.* pag. 11
- CAP. III.** *Dubitatur de loco, in quem sanguis transfunditur.* pag. 20
- CAP. IV.** *Probatur sanguinis transfundendi quantitatem non posse determinari.* pag. 29
- CAP. V.** *Disceptatur de qualitate sanguinis qui transfunditur.* pag. 41

### SECTIO SECVNDA

Transfusio inutilis.

- CAP. I.** *Ex parte sanguinis Transfusio inutilitas*

utilitas Transfusionis arguitur.  
pag. 53.

**CAP. II.** *Ratione partium recipientium  
eadem inutilitas confirmatur.*  
pag. 58.

**CAP. III.** *Offenditur omnem utilitatem,  
quam posset afferre Transfusio,  
esse infructuosam, & parum du-  
rabilem.* pag. 62

**CAP. IV.** *Nullis morbis utilem esse Trans-  
fusionem particulariter demon-  
stratur.* pag. 70

**CAP. V.** *Sequitur enumeratio reliquorum  
morborum, quibus Transfusio  
non convenit.* pag. 90.

## SECTION TERTIA

### Transfusio Repugnans.

**CAP. I.** *Demonstratur Transfusionem  
repugnare medicina dogma-  
tibus.* pag. 106

**CAP. II.** *Explicantur Hippocratis textus  
quibus non affectavit, nec se-  
quutus est Transfusionem sed po-  
tius reprobat :* pag. 115

**CAP. III.** *Reijcitur Transfusio, quia  
Philo-*

*Philosophia aduersatur. pag. 129*

**CAP. IV. Colligitur ex sacris Scripturis**

*Transfusionis inconuenientia.*

*pag. 130*

**CAP. V. Examinatur Transfusio legalibus**

*argumentis, & ab illis vetita de-*

*monstratur. pag. 131*

LECTOR, præcipuos errores, qui Typographi incuria exciderunt, hic notatos aduerte, alios, quos tu ipse cognosces, benignus excusa, & more sapientum res attende, non verba; talia igitur.


ERRATA	fic	CORRIGES
pag. 4. recienda		reicienda
pag. 21. distribuione		distributione
pag. 23. meditantibus		mediantibus
pag. 27. alr i		alteri
pag. 42. non inferet		inferet
ibidem humanijs		humani ijs
pag. 53. belluni		belluini
pag. 63. ædem		eædem
pag. 80. somniculos		somniculosos
pag. 83. non		nos
pag. 97. venera		venerea
pag. 120. non exactè		exactè
pag. 122. perfectæ		perfectè

Epar

Hepar

FINE





-3-



